



秋澗先生大全集卷第一

中統神武頌并序

維三年春王正月逆璫悖負天恩扞我大刑哀
姦誅頑嘯克東土於是命將致討天威一麾不
五月而克清大憝茲蓋



皇帝陛下夤奉天心布昭神武睿智足臨有征無戰
故也昔肅宗中興唐室而元結獻頌用歌大業
垂示無極臣憚忝屬太史親覩盛事頌聲不作
咎將曷歸敢綴緝所聞謹撰中統神武頌一首
凡千有一百二十四字雖辭理不應庶幾神武
仁聖之德鏗錡炳耀播宣金石振一代之徽烈

也萬冀微誠仰蒙天聽臣惴惶懼昧死拜手稽
首而獻頌曰

皇帝踐祚粵維三年萬靈清蹕巡狩于燕曰寒而寒
曰燠而燠百度脩明朝廷清肅東截海表西亘庸濮
悉臣悉貢罔不率服時維逆璫禍心久纏再世鴟張
顛征擅權奄殿全齊厲階泗漣煮鹽涸海剗銅夷山
地險物衆蘖芽其間情恃奸器海波可田背脅疽根
怒而自鞭時微邊功外示忠悻警我宋急騎通甘泉
帝以德御聽之誠然再命不庭穢彰溥天浪駭鯨奔
擬騰百川投袂東來盜我西偏天意有在聚而燔旃
皇帝神武不震不愆燎我神鼎烹此小鮮命將興師
策出萬全方叔召虎瓜牙利宣爰命

宗王相臣是丞顓彼封拜虎符發兵赫々禁旅犀甲
熊旌相臣曰璧維周之楨氣蓋一世徐方震驚

皇帝曰嘻戮厥渠魁脅從因懲既誓我師銳莫與爭
賊謂我怯蠶鋒來乘一戰而退曠懷自矜誰以有特
孤城自嬰

皇帝曰嘻璫不時下我民是恫武略神機運之淵衷
相與謀謨丞相天澤迺拜稽首賊出下籌晞突于莛
不死何求繚以巨堙畢克于秋

帝曰元老壯哉謀猷其往視師代予以休馬首既東
零雨其濛精彩一變氣吐而虹萬杵一動月暈而鏞
山斷外援水防內通高壘深溝俟其自斃日壓賊營
雲頽死氣賊勢既窘魄褫心悸鼠拔其牙獸崩厥角

斧偃螳潛鋒摧蝟縮七月壬戌環陣內訌賊伺我隙
恚中來攻萬死幸脫突我梯衝相史相趙出奇無窮
既敗而壁衆猶嘯凶迨其癸酉有星蓬：驍若矢石
妖聲墮空因之出降群兇率同彼狼狂卒不知所圖
銜窶鼠竄自投于湖宛轉不死可知其愚童子執戈
縛之以趨比臬逆首磔裂其軀併取同惡牽孿就誅
林：部曲面縛俟死

皇帝曰噫皆朕赤子若蠢何知一從先旨解甲投戈
縱歸田里東際海壖西逾膠濟殺氣一空歡聲四起
既定歷城東趨廣固比傳城下降幡內豎凡厥士女
無或畏懼取彼逆屬收其府庫市肆農耕安堵如故
累：婦妾婉：弱齡三木囊頭來獻闕庭既令市朝

咸即厥刑盡頒所獲大犒將旅捆載驩呼各歸禁伍
勞我元臣其安爾所視我民政袞闕則補肆赦東方
皇恩斯溥錄我陳歿卹我孤苦舊渠惟新各安爾土
皇帝曰噫額：歷城橫燎克燧干戈所歷復其祖斂
惠賜穀帛極其昏墊陰伏陽開軋旋坤奠海岱重清
一出聖筭奄：北風讐而遠竄威愴蠻陬東夷來獻
盖伐稱觴萬口交慶再拜稽首
皇帝神聖天錫勇智萬邦以正億萬斯年受天明命
皇帝孝友敦序九族有爵有土煌：車服終歲燕賜
克諧克睦帶礪山河與天齊福
皇帝睿哲別白忠直天賚厖臣左輔右弼孰敢予侮
為天立極

皇帝聖慈約法好生奚取八辟三章更輕大獄之起
寧失不經如璫之誅萬死何容罪止一族餘無所從
漢制黨錮唐興羅織濫及無辜慘莫之惕天地大德
曰生日植致討已來惟天是則吾皇之心堯仁舜德
海宇熙春臺壽域群臣歸美度越前古唐平淮西
漢滅吳楚以今方之其烈斯鉅規孝景計誅臣錯
岌憲宗皇資于度兵纏四載吳縛于愬惟此齊功
五月而成斷以睿筭界之戎衡

皇帝執謙弗居弗處

宗廟之靈將士之助敢告成功于考于祖祀事載祇
牲牢鍾虞樹羽崇牙應田縣鼓肅雖和鳴
先祖是聽神靈曰都嗣皇之英持盈之德守成之能

保我不祚萬福是膺壽等南山不騫不崩小臣眷
職司述稱屬辭比事獻芹之誠親觀盛業拭目太平
淵嘿無言咎將孰徵冒昧狂斐觸犯雷霆敢撫輿議
用垂頌聲

賦

蛾眉硯賦 并序

余家所役二硯研磨有年殆與瓦礫不異
書生作計朝夕筆硯間所用若是欲善其
事而不能也宜矣乙卯春偶得是硯於販
夫之手質名于譜蓋歛石蛾眉之種也噫
豈天譴愚衷將為文字之祥耶抑亦有數
自王氏而發潛德之光耶遂筆而賦焉其

辭曰

嘿齋主人行年廿有九日從事於翰墨將游心于道
園家畜二硯形模老醜研磨歲深埃塵尾岳嘆材石
之莫遇偶見授於野叟發此秘藏殆天所誘歸予之
月卯揀其斗從吾囊之羞溢喜溪光之照牖其質圓
以古其色綠而黝鬼擲瀉鑿鏡蝕秦紐太初之面目
已露元氣之胚胎未剖涵玉德之餘潤鏗金聲於一
扣其閱人多矣幾墨翻於醉袖也肌理細膩豐而不
鄙顧溪痕之隱然旋摩挲而無有雪浪翻江映日光
走其瑩滑溫純之德誠硯中之瓊玖也若夫蒼文上
橫眉嫵初就濃林遠山濯如春柳其橫雲却月之狀
又似開手成都之畫手質名于譜茲歛石蛾眉之右

也予想夫龍山之英歛溪之瀏醞釀幾年鍾此奇秀
信神物之有歸不圖為嘿齋座中之友也當其書幌
畫明筆耕而耨一嘯泫然雲蒸霧湊試墨花於春融
覺松風之瀉竇縱未洒薔薇之春露聽此亦足以醒
張顛之宿酒也相期百年以介爾壽硯兮硯兮汝名
雖異倘浮於實兮終有愧於屋漏故東坡有云澁不
拒筆滑不褪墨茲乃硯之佳焉又何必鸚其目而鳳
其味也耶

茹野菊賦 并序

丙寅春三月予以司明告病避忌食物無
可供嚼嚙者家人輩采菊芽為蔬考之圖
經味甘平療風熱於頭目極順適也遂筆

而賦之其辭曰

蹇子投劾而來歸兮守先人之故廬日閉關而却掃
兮殆幽潛之不殊視外物其敝屣兮將游心於聖書
何庖厨之遠戒兮幾釜中之生魚嗟肉食其無相兮
喜盤蔬之有餘潔我晨羞出于不虞擁案未前露香
滿裾童子啞然而告予曰茲野菊之方茁遠采擷于
林墟考之圖經食有益於頭顱也若夫春芽翠茁方
莖碧腴湯沃苦盡鼎調氣濡甘湧舌本味欺圃蔬拉
晚菘以為友後春蒲而作奴貯空腹而不厭恐落英
之不如彼寒花之可愛寄高情於一壺縱傲睨乎秋
霜踰佳辰而日疎此方騰藉春陽甲拆而數收微生
於全體供野人之所需吾乃瀝茗馨而三嚙覺眼華

之埽除其氣平夷其樂舒徐豈一杯之野馥等悅人
之藜芻雖草木之誑口亦周茲而起予世有嘆糠覈
而瓠肥厭梁肉而黑瘦豈非造於口而心若濡以膏
而體劬吾知甘菲薄以自樂能充說其體膚既而隱
几冥生心明志虛佳鏡脩然恍與夢俱以神為馬以
尻為舁既發輒於菊潭或弭節乎山隅訪淵明於栗
里喜天台之隱居然後鼓東南之歸柁追散人於江
湖覺而賦之猶是以續離騷而弔三閭也

未央尾硯賦贈終南李鍊師和甫

斗直寅日維酉
桐蝶化夢入靈囿覺而扣門有來
玄叟投我天硯形圜色黝鬼擲瀉璧鏡蝕秦紐文章
鬱律蛟蟠虺走以長樂無極而言迺漢殿燼餘之尾

首也當其交運天開禹卑秦陋未央屹建長樂丕構
體紫極之圓方壯神麗於九有俾子孫無復加於後
也若夫萬疊雲浮跨凌天宇鱗影參差鼇背掀舉瓊
綴簷牙香團桂樹倒景激日馭之光流潤浥金莖之
露聳萬國之衣冠蔭千秋之歌舞礪太華而帶河渭
謂斯尾之貞固天落妖彗一掃而去咄尔微質歸復
其土何千歲而不化偶野人之與遇今歸乎我又係
厥數摩挲漢月碧花燦吐似喜余之主也試玄蛟兮
海運瀉松風於牕戶滑不墨褪澁不筆拒然復其天
則御陽周宣王之耳孫較其古迺銅雀之鼻祖彼鸛
其眼而羅其紋味則鳳而形則用或奚足
取是不若茲尾之體而

屋廡生聚，幘幘霜雪，蔽虧風雨，是則用得其所，付大
任於汝也。豈期棊几呈林，辭客與伍，處雖失宜，其功
尚溥。鍛我銛鋒，藉汝涵濬，乞英靈於班馬，鑑興亡於
今古。大書特書，猶是以旌朱游而削張禹也。道士顧
笑吾子，其為我賦之。

三峯晴雪賦并序

乙亥歲冬十一月，余以守吏將事，自蒲抵
華倉惶待命於塵坩，望三峰晴雪，煥
爛高潔，皜不可尚。已顧而自憐，豈勝慚
穢，適與左山商公遇於祠南栢竹間，歸
你是賦以寄其詞曰：

華於衆嶽，峻極莫之京。芳三峯絕觀，松雪益其清。芳

倒景旁射銀闕爛崢嶸兮仙掌翻空灑爽下青冥兮
豈玉井蓮芳仙游擁霓旌兮巨靈變現吮崑丘之瓊
兮金天移仗啟瑤華之宮兮冷颼吹而不滅海月照
還空兮軒豁呈露何物外之雄兮又如螭蟠之老子
與希夷之鉅公朗出天表飲太泉而遊封中兮安得
杖仙人之九節登神輿之崇兮問真源於白帝追二
公之蹤兮胡一行而作吏捨塵土之客兮對清都而
不克徃世故驅以東兮掉塵鞅而北驚刺梗滿吾胃
兮望岳神而三嘆歸夢挂岩松兮縱靈移之罔謂獨
不愧於躬兮歸而賦之吾言固誇猶是以為執熟者
之清風也

熙春阮賦并序

玄暉上人得隆德故閣餘材斷而為阮
因以熙春日之亦文殊之義也至元戊
寅春同寧尹端甫劉御史叔謙趙太博
彥伯坐心遠軒師為鼓綠水悲風二曲
清越悲壯坐客感歎興亡有愴然于懷
者師請予賦之其辭曰

天新雨風日妍心與閒會境趣靜便拉曠懷之逸士
遇雪菴之老樺引袂危坐添鑪炷箋於是出桂阮調
素絃控肱月而當抱撫筠柱之橫駢師曰茲熙春之
斷餘偶絲之而清圓者也遂鼓一舟行清越悲壯如
泉順冰底風行棹間條兮欲斷而復作淙兮似
激而還爰鏗爾撻銅丸之韻淒兮聆高樹之蟬又如

游士騁說劍歌去燕何辭氣之從橫激太清而沉羽
淵客乃呀然而驚慘然而悲信乎物之感人有不期
然而然者想老嶽之般樂盪侈魄以無前厭華陽之
湫隘故樓居而致仙海鼇首抃金鵬翼騫爵鼎蓮之
香霧鎖月殿之蟬娟蔭千秋之歌舞壽良岳而不騫
俄龍移而鼎去繼金匱而閣遷殆露槃之聲折悵秋
風而涕潛興廢一瞬兩朝百年委繁華於野草鎖莽
苑之荒煙吐此冰之何幸遇幽人之達觀納彌盧於
芥子寓餘哀於一彈猶足以舞魚龍於海曲洗亡國
之愁顏也嗚呼噫嘻向之使人凜而悲者物詎能動
於人哉人之哀樂妄為物之所牽不知太虛寥寥既寂而
玄唯此理之嘿識何繁華廢興之足嘆師曰子其為

我賦之吾欲秋月當戶松風滿軒寫仲容之別操合
清商而洞宣使雲陰蔽空玄鶴下蹀走商延於濮上
掩新聲於師涓也

吊廣將軍墓賦并序

三代而下功利之說興人臣擅恃功能
鮮以禮讓為國者觀頗挾勲內忿忸居
人下加諸彼不淺相如引車避轍有犯
無校蓋出天稟粹然處之為非艱至頗
聞急先一言遽能握髮數罪受責門庭
在將臣為實難若將軍者可謂不遠而
復得無祇悔之義哉遂摛文以吊其辭曰
涉滹沱而北驚兮過常山之故城何高丘之突兀兮

鬱劍氣之崢嶸野人指而告予曰此庶將軍之封陵也人與骨而塵朽兮義於粲乎日星遂陳辭而弔古兮命僕夫以停征嗚呼休哉昔伯禹之所以聖兮始不伐而不矜秦誓之所以經兮善悔過而昏盟觀戰國之多士兮依稀猶三代之英惟功利之時尚兮天理有時而蔽明能不遠而復初兮其惟趙之廉鄉方國都之中立兮資內附而兵精頗分閫而秉鉞兮騰茂實而蜚英聲梁從隨而楚讐兮燕弭伏而齊并時有以卜將軍之意氣兮殆雷動而滿盈遠相臣之出右兮何發言之盈庭幾肉饒而食甘兮奮兩虎之必爭及聆急難之一言兮輒弭耳而服膺復頓顙而悔過兮折節負贖罪之荆在引車而不必多兮將臣及

此所以為古今之難能也逮漢起而帝稱兮禮飲至而策勳何諸將之失度兮至擊柱而紛紜安得將軍從容為一言兮解販繒屠狗之禁彼臣濬之冒臺兮加充渾之貪蒙咤吳平於帝前兮互滔天而為已功安得將軍滌易其褊薄兮俾無成而有終嗟鄂國之列公兮挾勳勞而凌帝宗縱私忿而無忌兮一墮夫臣子之恭安得將軍北面而同列兮以中和之氣銷悍戾於未然之胷也雖哀之而不能鑒兮文空言其奚庸繫慨慕其耿光兮日三省乎微躬蕩吾伯夷之隘兮擴乎穆公之容希前賢而同升兮附驥尾而竭忠雖斷而無它兮庶幾廩德讓君子之風衝山煙而暮去撫鳴劍兮增雄

登常山故城賦

我登常山心慨歎兮，斷城連絡，蛇陳蜿兮，憶當全盛，
兩漢間兮，萬井歌吹，魚龍淵兮，推埋劍擊，習俗然兮，
光沉響絕，夫何言兮，有懷古人，秉心延兮，交如餘耳，
始是賢兮，烈如顏袁，抗偽燕兮，垂光竹帛，星日懸兮，
壯哉子龍，屋而祀兮，膽氣滿軀，勇夫志兮，賊瞞臣漢，
得所事兮，天理在人，一符契兮，千載仰止，初無異兮，
諒彼有立，忠與義兮。

鶴媒賦 并序

中統二年，予在上都掌記中堂，客有負
青障挾長杖，二鶴馴予後，以廩繼來，請
問其後，曰：以鶴取鹿者也。嗚呼，雀善類

也，喙雖長，不鈎銛以噬，瓜雖巨，無跡指
以攫，而於磨伏，容有枝害，其如人之不
仁，何至元壬午冬，與禮部王兀子冕，因
語及此，慨然有感，曰：今人以智計相傾，
內險外易者，何殊於鶴之取鹿也。作鶴
媒賦，其辭曰：

萬物者元氣之盈氣之靈者，莫人若也。既役物而君
之，其忍以盜作智，而為得計乎？如絪鹿草間，圖鷓潛潔
地，齒紙求蜂，葉城網雉，盜物矜雄，此何足異，以智獵愚，
理固宜然。用愚戕愚，斯則不仁之亟也。鶴本善類，與
物無忤，飛翔寥廓，仙游之驥，教之羽舞，已違元性，詐
以標鹿，遂戕彼命，是則鶴之善人，則用而險之，返有

過於機穿也鶴了不知鹿終弗悟歲供庖厨皆鶴之
故何殊人心內險外易以詐假仁顯比陰忌將取彼
有則必姑與彼昏不知日狎而伍一落其機投足無
所誠何異以鶴而媒取也吾然後知物之顯暴者既
得預而防之愚而深中者尤不可玩而侮也示我同
志筆而為賦

玄猿賦 并序效庾開府體

至元十七年二月己卯清明日陪經畧
子明祭丞相忠武公墓遣嗣侯平章格自
靜江籠致是猿以獻西溪王通議命余
賦之以紀竒觀其辭曰

寶符之野滹沱奔鎮人初樂歲華新峴山正有墮淚

感走馬遠出西州門映堂堦之碧草陪開府之嚴禋
覩方物之來享宛有勝於攸聞緊尔猿之虫質何其
性之能馴素面掌許玄裳若纁尻不識尾臂長於身
一動一靜既恒且仁澗飲岩栖有彘有倫木方華而不
折菓視熟而呼分思全生於物表時隱見於冬春三
峽秋月九疑暮雲雪嘯煙啼子從母奔動射者傷弓
之慘驚山人應聘之輪哀楓林之逐客助永夜之霑
巾其或冷挂虛壁幽尋窈冥避群猿之喧躁悟善惡
之難并去王孫而夙絕誠可愛而彼可憎也故或者
謂衷周之士夫從昭王而南征痛膠船之不返化若
類而成群恐此事之臆肱伊誰聞諸水濱沒夕陽於
平野送歸鞍之逡巡偶吐辭而為賦念此物之貞純

或體玄而尚寂，要擇善而相親，以升木而取喻，庶有感於斯文。

蟠木山賦

丁亥之冬，夜氣清淑，夢遊石林，萬玉嶠峰，明日與客步入李叟叟字希賢之塾，燎爐却寒，有蟠者來，輪困離奇，大屬吾目，負之與歸，而為秋澗，坐中之物，其為狀也，左抱右擁，或疊或窪，蹄股交峙，口鼻互呀，於是抉洞穴，振泥沙，分嶺嶂，翦杈枒，均者壑突者了，去朽剔蠹，磨光出華，丹丘赤城，凌空散霞，不知沈沈於地中者幾年，一旦聽吾咏之，橫誇若乃峯頂改色，湧雲倒懸，崑崙層出，峽門涸穿，刺畫模母，與施并妍，其磊落盤錯，自一成而有是觀也，咄此怪供，強名曰山，然為幸。

也。蓋有大於是焉，不腐而為朽壤，不化而為飛煙，收槁梧於爨下，遇中郎而獲全，蔭居華屋之底，植立几席之前，聳太華三峰之秀，有象江六石之堅，終日與伍，似非偶然，徒倚蒼精之蓋，摩浮白虎之巔，何澹僻之苦樂，擬衆人之所捐，吾愛夫始賤而終貴，先污而後蠲，出神奇於腐朽，蛻凡骨而得仙者也。噫，以靜而致壽者，山之性，隨帝而出震者，木之權，惟動靜之交，見渾體用於一源，吾固哀謝拙於變遷，以靜為樂，以安為便，歲吾所別之器，浩吾固有之天，守介節而不易，庶茲蟠之可鑄，安時處順，出艮震兩者之間，不然造物者憐其不材，辭翦伐而終天年，其將亦惟周旋孰得，惡而舍旃，客曰：汝言雖夸，以山水而較之，似不

膠於一偏子其為我賦之若足以折詭辨於莊叟哉
新意於老泉也

秋澗先生大全文集卷第一

三月十六日校

秋澗先生大全文集卷第二

五言古詩

拜奠魯文憲王廟二十八韻

丕承固云烈嗣王幼而冲嬉戲剪桐事安知多難衝
公乎居斯時岌々遵渚鴻外謗流四國內疑叢一躬
負宸令百辟天心昭懿忠想當假寐際寅亮天地工
陳誥開治源奠遷營洛宮南服靜海波東征殄元凶
吐握下白屋憲章沃淵衷罄單一德聖思兼三王功
及夫就臣位畏春何忡々制作萬々古世道仍汙隆
至今豐鎬間凜有三代風饗以官縣樂報之不為豐
宣父稱大哲寤寐雲從龍垂老無復夢慨焉吾道窮
丹青見遺像皜々日在空臣子知所止仰之餘敬恭

悠：蒼姬下輔相業不同論思機務地典調簿書叢
豈其世務禁經權有違從顧惟大臣體一節貴始終
伊公狼狽間不夾體與容几：兩赤鳥儼立如岱宗
我嘗集衆美一言蔽其中至公絕貪私廓與天人通
作詩庶補衮九章一華蟲精誠有來格寒雲動龜蒙

拜奠 宣聖林墓

庭訓墮渺茫師授悖嚴試卷字不惑年行已得夷隘
今歲客東魯侶為神所介駕言逐棘風得展闕里拜
遙：魯甸餘汶水走湍瀨憑軾望雲林鬱：佳氣駿
齊莊趨兩楹奠獻成孤酌歸然三聖封仰止高泰岱
恨生十年後今夕備埽洒披雲觀天日太極開一畫
彼蒼詎能言諄：聖為代三綱與九法範圍無內外

君臣以之定乾坤以之泰東周不可為述作萬世賴
藐聆徇鐸音元化雷雨解敬想燕居容金聲鏘玉佩
當時七十子授受儼如待鳳兮鳴幾時諸子涕秋籟
一朱亂紅紫百穀茂稊稗愚者甘下達誕者樂語怪
韞藏寶康瓠幹棄清廟傳明倫得不泯而有六經在
天高孰可階一氣包厚載茲游固難言嘿契心有會
胸中九雲夢吞納失蒂芥循：善誘辭師也書諸帶
緬懷伯禽業郁：文獻綴三桓張公室霸功熾而怵
一奢去無復荒陵餘石獬煌：天乙孫膚敏半冠蓋
德傳慶自修道大世能邁金尼貫元精泗波來遠派
汪濊一聖海不隨梁木壞歸侍金絲堂攝齊聞馨歆
恍如到帝所鈞天廣樂備洗我兩耳聽肉味忘一噉

詠歸寫遺音風雅變廊邨一簞老東家吾知其樂大
遲、不忍去寒日下蒼檜

陪總管陳公肇祀商少師比干廟

元化形萬彙浩、無時無云何忠貞氣大昇先生軀
念昔有殷季天步移獨夫淫醜蕩祀典下民為毒痛
所崇盡奸回啟遯箕子奴師保乃云爾餘敢編其鬚
炎、鹿臺火已屯明珠襦先生豈不知蔓草不可圖
顧親叔父尊以位仍三孤強諫誠我任剖心不為瘡
自靖暨殺身要之宗社扶所以宣父筆三仁同一途
繫公存亡間所係重有殊堂、柱天手能擊火德烏
當時戡黎兵所侵良及虜周雖彼蒼眷加翼十亂謨
天其諫少行終鄙西人居稱師止觀政安取商郊車

一朝嘆云亡宗國隨之墟丹誠皎白日餘烈光八區
準爾來代臣大節知所趨嗚呼介士嘆萬、狂童且
今來二千載殷周兩榛蕪巍然一丘土高與西山俱
清霜九月節肇祀陪干旗肅拜列階下精爽動佩裾
世道有淪喪一忠千萬諛商歌振林樾日下悲風徂

擬韓子秋懷十一首

出郭行時稼秋風正蕤、臨川閱逝波浩、去不已
富貴來幾時及此行樂耳把酒對西山坐看秋雲起
天矯化蛟龍異狀紛莫似世態初不殊儻來安可恃
我懷拔俗標干霄仰逸軌酒酣歌鳴、振衣私自喜
秋風拂庭柯物意自含粹松栢抱真心表、歲寒地
長年豈致養易哀匪自恣浩、一氣中所稟蓋殊異

人尤物之靈要以天爵貴

天運健不息君子戒靡曼讀書下硬寨饑腸充霍飯
造道若不深紛華非所願秋風動黃鵠千里奚足嘆
風濤北溟鯤變化搏九萬大邦易為仁郁：文獻半
出處貴有時莫遣夜鶴怨

攬衣起秋早露氣清凌：偶書秋懷篇悞筆成蒼蠅
吾言固不佞未免人屢憎聖域有坦途學步高山陵
尋源有靈槎臨池美鮒魯我生恐不偶鄙事從多能
虛室生夜白清露發鶴警空庭海月上愛此良夕永
今年苦煩歎似值苛政猛眈：秋風來汲深持短綆
庭菊被焚燎脫禍乃差幸朝來有佳色一笑倚軒屏
露叢低寒花促織泣暮景呼兒曝群書趁此秋日烟

弊帚享千金利途競織梗二者昧所思厥病失坐騁
既悟前日非敢事子淵請

長夜苦漫：長空星斗暗商歌南山翁遺佚有餘憾
祇知享高明曾何恤鬼瞰而我獨於世滋味嚼蠟淡
畏途足風波汹：洪水濫濯足尚云可浣纓豈宜暫
此身矧虛舟敢不慎簡纜天心幸私我書史日與勘
庶還浩：天未害家儲甌

殘暑不肯退秋陽麗庭軒靜觀消長理警此歲月奔
成功嘿：去天道何曾言斂衣坐一室書帙散我前
開卷飲至味忘却盤中食最愛婦去辭雋嚼了一篇
作者古不少文字浩萬千感君固窮節當年亦辛酸
遙持酒一瓢同醉東籬邊九原不可作念之終歲年

青竹不耐暑，索寞衆葉乾。白露下天宇，洗此青琅玕。
風枝簌餘潤，暗滿佳菊團。依：南飛鵲，遶枝擇所安。
感時賦秋懷，古井翻晴瀾。我生分已定，安用智走丸。
出門安所之，呼兕解征鞍。
閉門秋月上，靜院圓蟲聲。幽人掩窓卧，一室翻虛明。
四序修以周，代謝何其誠。物華有盛衰，天地從虛盈。
君子順所履，持身嚴五兵。牛羊且：伐山木，何以榮。
所慎獨處際，心蕩韓盧令。
離：壠上禾望：日攸好，不勤耘耔功。秀實苦不早，
西風卷黃雲，收穫走隣保。荒田棄足惜，握之速其槁。
致役貴厥初，無為宋人道。

九日和淵明詩韻

九日天氣好，澹游無友生。懷哉曠達士，愛此佳節名。
野迥秋山高，遠目增雙明。手把霜菊枝，吟泛風葉聲。
人生天地間，強矯無百齡。歲月不我與，大川日東傾。
且酌一尊酒，遺彼五鼎榮。滿挹風露香，陶我醉後情。
遇坎且復止，吾器期晚成。
今歲節序晚，天氣秋夏交。哀草伴佳菊，藉暖亦後凋。
居閒愛節物，不辭遠升高。川澄涵鴈影，空曠曖微霄。
舉觴醉時人，塵坐乃爾勞。中間百憂集，龜卜將日焦。
何如遺世去，空杯樂亦陶。得酒且歡喜，誰能保來朝。

寒雀歎

閒庭有遺粒，寒雀往還飛。眴眴傍無人，翔集下踈籬。
一啄復三顧，慮為物所闕。幽人負暄坐，玩之淡忘機。

一笑拂衣起，群鷺向空歸。因之感吾生，分舛非所期。
富貴倘僥倖，何殊鳥驚疑。吾儕以義榮，先賢有良規。

觀葬者有感走筆為賦

西鄰送喪車，前後餘百人。少壯亦歎歎，老大尤悲辛。
殯歸煮蒿里，奄忽隨沙塵。逝者長悠悠，魄散還蒼旻。
存者但追悼，簋盥時空陳。人生天地間，變化朝菌新。
冥上夜臺下，念之傷心神。大限百歲止，憂喜還相因。
況且不滿百，忍使憂纏身。青春不再至，歲月波注輪。
有釀不來飲，負此頭上巾。

自喻

吾性懶且拙，置書未嘗觀。興來一披讀，總涉意已闌。
因傷中道畫，勉力鞭使前。奈彼外物誘，既往輒復還。

年來天與幸，繆當函文間。朝昏迫童課，未免親書編。
開緘三嘆息，知學今十年。雖傳失自習，所得亦以偏。
正如乘跛馬，十步九躓顛。引領望聖域，尺綆汲文泉。
有時尋墜緒，意會亦愜然。務敏修乃來自棄，誠可憐。
譬彼執鋤鋤，緩治榛蕪田。縱弗曰故熟，猶愈埋荒煙。
進久不輟功，豈止百廛九原。雖不復聖道，具蹄筌。
堯舜等人耳，悉自學至焉。從茲自發藥，浩還吾天。

改葬冥漠君

買樹植中唐，下鍾得髀骨。生世何為者，何年此埋沒。
周身尾作棺，上有劫灰覆。黃泥滿髑髏，麥枕餘故物。
神奇到腐朽，貴賤辨無復。惻然戒僮僕，撥拾百骸足。
徹我林上篋，包裹葬城隩。遣奠酒一杯，祭汝一盂餼。

同區三十年，今始改兆卜。死者謂有知，夢寐不一囑。
幽沉起有時，掩骼遺春燠。豈復識此為，庶慰我心曲。
不無撻蓬嘆，何必桃李被。免汝踐辱羞，我豈徼冥福。
長眠一杯土，野祭霑賸馥。莫羨麒麟塚，發掘為珠櫝。
自買身後禍，安用高突兀。去：冥漠君九原，春艸綠。

青：兩桐樹示兒子阿孺

青：兩桐樹乞自幽人居，植我庭堦下。護養嬰狹如，
汲水時一溉，要令地脉濡。起架障炎曦，挿籬周四隅。
丐柯日怡顏，手把種樹書。及夫始華月，春芽茁蒼珠。
朝來秀色發，衆葉卷且舒。終朝三摩挲，愛此青玉株。
亭：一尺影，萃蓋遮門廬。嗟爾琴瑟材，中與霜籟俱。
連哉蔡中郎，救爾煨燼餘。我望十年後，直榦凌碧虛。

秋聲泛韶濩，雲表來鷓鷯。且天生萬物，因材而篤諸。
栽者厚其生，傾者不尔扶。譬彼青衿子，致養在厥初。
必擴心與志，毋遺尺寸膚。然有才不才，學焉因爾殊。
緬懷孟軻訓，書以示阿奴。

鹿喻

我本麋鹿性，出處安自然。金鑣非所慕，志在長林煙。
得遠機穽地，食苹飲清泉。呦鳴錫同類，甘以辭華軒。
野兕出其側，暗蹂山前田。農家伺所害，乃知獸之愆。
彼兕以計去，嘉禾歲芊芊。野人居山中，數畝事懇劬。
慮為町疇場，指鹿乃兕屬。雖無搗刃心，見之惡且逐。
鹿心素無機，沒與標枝閒。遁跡入幽谷，擇音遠人寰。
尚為山中人，置疑齒頰間。

鑄

送宋大使漢臣之任延安

四海王翰林高情比雲月一甌密雲籠過門誰復啜
宋君平生交矯峻風節况經患難閒邂逅叙闊契
每來倒屣迎所請無不說賦詩近盈軸沽酒慰久客
都門冠蓋場聲華愈昭晰我初識君面論交心莫逆
相看自淇水燕地最多日吟鞍賞春華茶鐺煮晴雪
劇設挾銳樂洞達失堅壁茲馬一載強相從復相覓
喜聞得新除腰金出省闥烏臺退食歸入戶履齒折
朝來高軒過打門欣告別情親近中年何啻數日惡
天涯兩淪落歲暮悲風發人生幾河梁底物慰愁結
觴君病不能贈言素所拙君侯天下士抱負經世業
鞭笞致錢流論吐究時瘼吾子兩餘裕老人雙落窠

黃鵠志千里秋天凝橫絕誰能雜鳧雁羣飛爭踐啄
茲行固非素歸愈垂空橐儘新僮僕敬大慰妻子色
延安西北秦地與羌渾接王民六十載厥賦尚寡弱
保障慮不遑微收肯騷削綠樹空野煙山澤入籠絡
秦風與隴月慘悴自茲作邊氓靖為重聚歛聖所作
臨淵得河潤當念遠沈濁得書下考吾子亦云樂
我詩春秋法責備賢與哲此心能不爽蓬華乃麟閣
不煩雙鯉魚時遣慰離索

溪田暮歸

疎林煙火微草露濕芒屨遲歸路長清月掛林杪
依南飛鵲幾回驚且繞一枝幸得安誰復睇雲表
田家固作苦遺安子孫寶彭澤百日令解緩徑歸老

我心默有契，縻爵豈不好。遠已病交攻，飢凍正枯槁。躬耕南澗垂，浩歌盤樂考。

散步清溪涓

散步清溪涓，林殫憶鮮食。沙頭有漁梁，呼童樂閒逸。波清滿游脩，鬢髮分纖悉。雖微知所避，矧之不可得。悠然逐風漪，相忘萍藻密。達人濠上樂，政自觀其適。人生風埃中，與爾何差別。區區一已私，奔走抵溟極。萬事恐偶然，胡為數得失。舉網出深淵，高樹掛冥色。長笑歸去來，吾道無固必。

讀林和靖詩集

枯梢振驚飈，茅齋寒日短。幽懷久不樂，訪友橋南館。探囊得逋集，塵臆欣一浣。賡歌竟遺編，佳處時再款。

先生玄豹姿，清風滿朝簡。仿佛詩骨清，雲嶺松雪偃。湖光與山綠，几席供竒產。呼吸貯肝脾，元氣筆下綰。逸情薄雲月，幽律發葭管。靜觀周物靈，遠覽豁襟散。清遺郊島寒，淡入陶韋坦。孤山富梅竹，香動春江暖。篇中幾致意，似慰平生眼。客來佳話餘，橫琴浮茗碗。是中有真趣，風味亦不淺。廬洛與寺閣，意適欲忘返。長空渺孤鶴，容與歸舟晚。如斯六十春，笑傲一何衍。相去義皇間，不到牛鳴遠。暮歸倚窓眠，清興江湖滿。雋永愜初心，有味參玉版。燈花喜共妍，一笑成微莞。人生無百歲，胡為自憂懣。擾、聲塵中，任事同蝸蟻。

西溪始泛同王子初訪王柔克

自此多經遺山先生

竄

閒人無所遣，心向靜境趨。今日欣有得，快如脫籠拘。
步出郭西門，偶與佳友俱。舍杖棹清溪，忘授圯上書。
舟輕風浪平，泛若乘流鳧。波光灑船頭，雲陰翳平蕪。
畸人驚見之，輟耕立河淤。白鳥去不遠，前飛如導予。
故人喜我至，就舡與相娛。呼童下泝流，載入酒滿壺。
促膝兩舷間，鯪蟲雜肴蔬。吟杯斟且停，要看傍岸漁。
從下恐忘返，欲上意轉徐。瞪目看銀刀，不知寒日晡。
纖鱗竟莫獲，豈謂吾網疎。顧此一溝水，安取松江鱸。
舟人云不爾，近多狡獪徒。散毒河伯宮，掇取地芥如。
卵毀鳳不至，禁罟自有魚。釣網詎可並，况乃詭計圖。
射利一至此，世途足崎嶇。歸時還一笑，兩岬風生蒲。

擬古

北山介公壽也。公之德澤及物如山之蓄殖焉。是宜得厥位而享其壽也。故作是詩以頌焉。

瞻彼北山，維石崖。邦民仰止，匪丘匪阿。既峻而極，復委而佗。元氣中宰，所蕃實多。維公之德，如山而莪。瞻彼北泉，維流于垠。淵其源，浩其春。澄之弗徹，撓之莫渾。潤餘一方，波彼四隣。維公之澤，如泉之新。瞻彼北山，有松桓。氣幹千尺，盡歲之寒。棟樑大厦，是依是安。未皇厥用心，怡體胖。美蔭所庇，物為一天。匪惟葛蘿有蕭，有蘭受德。匪報茅菅，厚顏。維公之壽，如松之年。

北山三章二章二十句一章十六句

過劉元海陵寢

漢統天久絕，漢恩一何深。隔遠魏晉代，猶足收民心。
咄嗟呼韓子，崛起蒲離陰。自云漢堦甥，赫怒開寶沈。
左顧龍在野，右咤虎哺林。吹噓爰燼餘，五部來謳吟。
阿聰奮餘烈，兩京隨掃平。竊據二紀強，文物有足矜。
我來拜陵寢，悚然振冠纓。風雲渺何許，廢堞餘金城。
賢哉劉淑妃，成此直諫名。在聰未為疵，假義淵可稱。
孰云仁義師，可敵不可征。桓桓祁山舉，一出三輔驚。
天其假公年，載洗六合清。此志竟漢遂，此邦還有成。
所以廣武嘆，痛惜無豪英。山煙知客意，斜日生荒陵。

遊萬固寺

中條鬱蒼蒼，首尾固雄大。連山一卧虎，橋首盡兩戒。
東南萬容門，犖确入幽阨。空青上絕壁，峩業兩崖對。

南山開畫幃，高下蔚萬檜。秋藜到山門，黃衣六七輩。

寺殘薄心賞，一水良可愛。尋源入雲蘿，不惜阮屐敗。

掬飲清臆塵，坐晚巨石恠。山空響佩環，林迥騰怒懈。

行聽溪聲回，周覽詢勝槩。當年爽心亭，萬竹爭暎帶。

碧鮮照清泚，襟袂濯沉瀼。人境兩渺茫，佳句儘誇邁。

舊有石刻坡詩云水自竹根流出風從松頂飄來座上儘為佳士更無一點塵埃開軒邀客

飯放目欣一映盤，餐固踈糲泉。冽幾肉最少，烏林風

振萬壑一氣噫。前林疑虎嘯，作勇助吾憊。筆落還

自驚一掃衆峰巖。寺僧請書殿山僧喜醉顛海會得

珠貝興來本無心，游戲詫佛吟。夕陽送歸鞍，依約虎

谿外風煙作破墨。塔廟失所在，鍾英厭摹寫。悶伏化機

藹盤空乏硬語，枝瘠苦無賴。馬首詩遽成，一笑豁吾隘。

靜樂堂

人生霄壤間，動靜藏妙用。一為外物遷，舉足非禮動。惟夫操存人，而與天理共。紛紜萬變來，一一皆折衷。問之果何因，性定心自統。心宰物隨化，奚俟人指縱。體安氣靜徐，內熱失急關。忽焉須臾離，不啻天地穿。梁君出豪右，表聳儀鳳。意氣杯酒間，談笑百金重。一旦刮餘習，紛華不復夢。省躬日有得，守約還自諷。霜餘波自澄，雨退雲知凋。復我浩浩天，多言譏屢中。客來掩書坐，香動玻璃甕。灑然一室中，萬象入持控。知君樂無涯，五絃歌雅頌。

舜泉

在河中府南三十里夏陽村東歷山聖

人嶺下舜峪內，至元壬申冬十二月十四日來游

舍鞍夏陽西，褰裳躡雲頂。盤折下濬溝，失身墮幽阱。孤松突危巔，望雙目炯不圖。兩芒屨，踐迹聖人嶺。重華不復返，欽此孝慕炳。降觀臨帝泉，冠珮為肅整。泓澄一勺多，浩若淵水迥。徜徉不忍去，杯飲濯蒂梗。慨焉念高風，滅沒翻倒景。野人前致辭，此事傳歲永。有鯁昔在微，怒為瞽所屏。窮歸此來田，號泣痛自省。空山無所得，扶耒孑孤影。彼蒼彰聖誠，唱餒恐成青。一夕兩崖間，二水出俄頃。北崖縈帶流，南壑湛寒井。至今山中人，飲食子二頃。我生千載后，懷古心耿耿。風俗日淪喪，道義奚所秉。安得天瓢手，挹此霜露等。

千林摧姦拚比屋化封穎滌易臣子心
靴敲變骨鯁暮歸田舍眠有志安得騁
此心恐未能作詩聊自傲且當就巖巖
酌水煮殷鼎

跋席懷遠臨終語錄

人當易箆際發言因不善昏矇迷本真
狂者涉誕幻猗嗟席懷遠洞徹生死變
日氣薄西山曠乎天理見諄：忠孝言
垂戒漢馬援洒然明月懷身後照鄉縣
賡歌諸賢詩清風一家傳

錄老農語楊曲道中作

老翁揭溝水駐馬待樹間雙脰怯朝涉
歌傾激衝湍既濟問老翁荷鋤何所還
筋力一何弱甲子今幾焉斂手前致辭
星紀凡七旋有妻喪已久有子病且殘

舉家無營業止有田一廛禾生迷東西
老雨荒草茅耘鋤庶有獲聊以卒歲年
餽粥乃予事要輸包塚錢有身古當復
以老聖所安二者不能必聞之鼻為酸
我食瀨所粒作詩告京官

吳大使子明致樂堂

人生有至樂榮貴了不干人子有至養
三牲非所先宣父語經訓承顏首為難
南陔著深戒不獨馨盤餐眷戀庭闈心
朝夕靡遑安問寢與侍膳樂在融：問
所以極愛敬要罄平生懽吳君出紉綺
孝純思力殫垂領髮已素娛親衣尚班
天意亦有在一官任鄉閭稱觴歲上壽
香火欣團樂此身不願貴有家從苟完
願親日康寧丰容紫庭蘭毫彩神與相
慈顏惡而丹

發光詣萱室，嬰香芬珮環。壺族化柔懿，固南詠幽閑。
高堂敞溫清，題扁存稹觀。致樂無復尚，守身老彌堅。
庶幾寸草心，少報春輝妍。堯都三萬家，清風渺誰攀。
作詩頌匪置，錫類君其端。會當蒙顯異，寵光爛門闌。
三釜我祿餘，履霜非謂寒。一飽反妻子，固君起長嘆。
瀟瀟風樹底，悲絕仲由冠。

遣發僕夫李老櫬歸瘞淇上

至元癸酉後六月十九日死于平陽寓舍

來自東西劍，相看二十年。因從兵燹厄，重結主奴緣。
薪水嗟初服，耕耘遂所天。挈身辭勦辱，得病便沈綿。
藥餌功無效，棺衾權罔愆。汝魂應有識，歸到水西田。

感寓

荆岩產奇寶，輝山生五色。鳳鳥集其上，採者終莫識。
卞生具神眼，抱泣天地珍。稱喻日百至，此璠此珠珉。
一世竟莫售，指卞為瞽人。負之獻楚子，致前須近臣。
豈知事大繆，反取按劍嘆。獲譴或不賞，戮辱終其身。
所以苦節士，萬古潛悲辛。

陳村待渡

河行虛壤間，隨意東西卧。我遣汾水行，十日凡兩過。
沮濡變深淵，野航驚漏破。篙師怯吾衰，傳呼細扶拖。
朝來大陳渡，細擺得久坐。山川隱佳句，軒豁矜寡和。
秋風吹馬去，行看林葉墮。

沁水道中

蒼崩互出縮，峪勢曲走蜒。回跳驚後擁，迎看復橫遮。

雲林蕩高秋半嶺翻清霞十里九渡水清流帶寒沙
山溪本幽寂激之聲乃譁解鞍憇美蔭覺我心靜嘉
風枝滿秋實野菊被水涯幽馨散蘭馥紅鮮綴丹砂
二物固鎖碎託興騷人誇我欣記所見信筆書田家
宿板橋田舍

山村極幽僻坡嶺還四面麋鹿日與伍自餘無所見
竭來事文石供給半山縣倦枕聽呼號相次過夜半
過鹿臺山

在澤州沁水縣南二十里時被安西王
命伐石於此

遠尋文石崗來歷南山纏鹿臺為山幽徑蟠古篆
後峪行未盡前嶺已當面秋聲蕩林越風露淒以法

陰壑氣翳鬱疑有虎豹變山田苦無多溝壑耕已遍
柴援結半空羅絡碧岩轉自憐終歲勤獸患防一旦
我本山中人束帶對郵掾頃然還舊觀瀟洒償風願
行經雙蟾嶺石怪驚變現闖首擗樹間氣自太古練
月中誰推墜困鎖屬山縣乃知北平守認虎飲一作栢
羽箭物肖本偶然長歌下層巘

觀穫蕎麥

搖：珊瑚枝浥：露光潤霜餘秋實繁隴畝欣一瞬
野人趣時穫拖車施素刃前推約步長偃仆為一順
風來湯餅香玉粒夢炊甌田間還自笑三載搃山郡
肥甘與菲薄一飯吾有分坎止與流行何思復何悶

臨汾節婦吟

松筠四時青特與凡木別弱艸不自持風霜易推折
坤柔變乾剛彤管古所說臨汾孫氏媪寡操抱貞節
之死誓靡它栖心比霜月事姑極孝養教子承世業
神明與扶持骨健丹浮頰我觀中壘傳於築古英烈
作詩備採官微名繼前哲

過鹿臺西崦

乙亥八月二十九日借沁水縣尹李君
飛卿眎治道馬上作

鹿臺西南麓石路何杈枒青林轉幽深一水中可嘉
遠從半山來長流石為窪一泓湛寒碧野飲供麇麋
濕雲擁絕壁灑爽霑巾紗我忻為緩轡睽立溪之涯
恍疑桃花源錦樹蒸紅霞疇人指前途兩點蒼山壑

答老農語

風梢怒號寒駕言復西邁吟鞭趁羸駝真走壺口阨
俯綠絕澗源你看孤石大陽崖楠青陰嶺雪全蓋
詩脾儘餘清灑氣溢襟帶行遇老農馬首言露載
前時使君公治此逮困憊事成固國力規畫良匪懈
一朝文石去永利予等賴茲馬詎可忘衆意見遺愛
連章供監司大嚼伸一快既聞父老言慚汗流浹背
道開非吾功物出數有在况予分當然添足恐成怪
夕陽沒前峰凝睇飛鳥外是中有佳趣毀譽吾敢介

秋澗先生大全文集卷第二

秋澗先生大全文集卷第三

五言古詩

題玉石蓮華洞道院壁

東山一何高，細路石龍窠。窺窬從絕澗，底陡上盤峻。塚
模糊松明雪，照映列孤碧。衣飄遠壑風，馬滑陰嶺凍。
捨鞍強躋攀，憇定腰膝痛。吾非樂險遊，靈跡訪仙洞。
當年白帽翁，恍惚見於夢。進功力開鑿，怒攫髯鬣動。
毛麾語怪徒，筆此真作俑。至今城市人，誕說猶洵、
好奇更過子。一笑為腹捧，西山道欲遍。物產多給用，
爾焉最不才。任土無可貢，灌、殆赭餘地冷。物寡種、
我來探是穴。木葉恣填壅，青藜試撥觀。陰背一罅孔，
廣深無丈尺。蟾吻呀，劒喙回環聚。乳坎歲久垂，巨蛹

白猿竟何有，流石變擁腫。大史載禹穴，登覽想森悚。
不經聖人手，後世妄增寵。况茲何足云，遺構託以重。
作詩破群疑，擲地驚墜甕。道人亦釋然，別遠猶目送。
來者櫛志同，三復賈餘勇。

御驃出廐圖

何人拂絹素，寫此房駟精。一馬老伏櫪，志在千里行。
二馬騁躡齒，角壯猶龍騰。一馬方輓塵，海岸翻鯨鯨。
畫師慘澹意，落筆於多能。我觀寓所感，國制貴有經。
唐人重馬政，分屯列邠堦。當時百萬匹，肅肅羅天兵。
東封與西蕩，歲用不可勝。嗣王獵其餘，尚足開中興。
乃知三軍本，匪馬將奚憑。聖經說備預，萬古為世程。
倉卒事亦辦，未免衆目驚。我思立伏間，振鬣紳長鳴。

吾言固藹蕤，聖經其可輕。

題呂充隱和陶詩卷後

呂字明復，武陵人。金亡居襄陽，尋渡江居鄂。

昔從顛軒遊，嘉話半耆耆。每及充隱君，稱道弗容口。
自憐野逸姿，佳遯乃師友。聞風即欣慕，高興渺林藪。
况吟平生篇，開卷粲瓊玖。君詩江西來，一旦落吾手。
正襟三復餘，酣飲得重耐。外枯含至腴，霜落溪水瀏。
嚮來和陶作，雲夢吞八九。金鑪出大音，何俟寸筵扣。
吾愛先生心，吾尚隱君守。當時淮西役，臨事見不偶。
吾策君可屈，此身孰得有。先生歌鳳徒，簪紱胡可誘。
高情薄雲月，流詠見不朽。九原儻可作，清江變醇酒。

眼中杖屨來，磴礧門邊柳。與背一壺遊，秋毫峴山首。

昆陽懷古

行役宛葉郊，路入昆陽城。淦水抱城左，蕩潘東南傾。
川原入四顧，蟠互多崗陵。城頽削懸崖，草深惡鴟鳴。
嗟爾一杯土，當此百萬兵。莽圖十九年，聚此天為阨。
王者況不死，千騎驚龍騰。漢業兆豐沛，赤伏此中興。
創復兩不易，山川賁雄名。東西遙相望，盤、兩神京。
千年事雲散，草木含威靈。野人無所知，城邊事春耕。
扶犁上廢壘，壘血縱復橫。只應懷古士，千古愴餘情。
為東坡昆陽城賦

苦熱歎四十六韵 效昌黎體

祝融駕火蚪，頽轡周八裔。戰酣西北乾，回薄餘暮熾。

朱光沸虞淵，大地蒸一氣。蒼茫夜色濕，醜鬱玄象醉。
今年六月中，荼毒逾往歲。金晶才姑伏，燂熱勢此銳。
炎官張火傘，屏翳揚赤幟。四合歆陳來，一鼓赫離冶。
天潢影半涸，星鳥芒欲彗。吟風樹葉噤，塌翮林鳥墜。
併兼坎兌權，不使天地閉。玉城十萬家，燠灼迫一勢。
乾坤墮熾瓮，逸德駭天吏。掩關人事絕，藏伏敢口議。
褰裳起中夜，通夕不容寐。桐背赭汗流，窺井湯泉沸。
松間有困鶴，無夢到清唳。墻根有腐草，螢化光哲二。
穿簾入我室，照眼驚火齊。陰蟾遁老魄，火鼠騁黠智。
夜深過我前，跳躑翻飲器。屋舌又足蝎，伺螯光謹避。
篔紋燎交輝，側脅能少憇。舉動體懷熟，獻歎氣短細。
抱冰眠或可，揮扇何所濟。二年客京師，身幸置散地。

雖無束帶勞唯老覺加倍彷徨不知曙種髮深而被
四序本平分偏盛誰所致火攻出下策不已燔萬類
嗟此一世人嗚死將何屬此生匪金石流鏢吁可畏
內熱復自焚哀槁將立至燥惟以靜勝事流以義制
冰山詎可依煬竈非所媚遐想崑崙巔庭觀何偉麗
巍然五千仞日月光隱蔽回環十二樓空明浚無際
水晶作柱礎群玉絢軒陛天風掠枕席月露濕環帔
瑤臺擁灑靈萬舞發清吹真仙事朝元鸞鳳互駢翳
閨風接玄圃追陪憶遊戲何年墮塵緣生想無由詰
安得萬里風振此垂天翅脫落區中囚高舉尋吾契

聽講呂刑諸篇

至元十六年己卯歲冬十二月十七日

中山府明新堂雪夜會府尹史子華貳
政朱信卿洎諸吏屬聽教官滕仲楨講
周書呂刑論孟諸篇

淒風布雲葉寒日慘不光先集觀微霰轉盼鷲毛揚
一天陽和氣散入中山堂公堂何所有曹務紛刑章
竟日椎與扑令人足悲傷廉隅是何物僥倖為尋常
淪胥一至此禮義從消亡涉淵不自濟試以舟楫航
郡侯樂與善揮撾噪其傍况復得佳士問學波汪洋
一編周穆書靈：深慈祥爰念盡心戒披衍何琅
敷明發蘊奧遠紹開微茫大美得至味黍稷非馨香
狐白有餘燠弊緼非所當聚自鑿聾聵同僚益溫良
夜久不能寐孰知冰雪零定武古戰國風俗稱雄強

今夕復何夕，弦歌破天荒。吏散擁衾臥，薄俗思溥匡。
大決洙泗波，浩蕩滄群盲。此事恐難必，此志詎能忘。
一州稍安行，一方賜無量。比老及一見，此外吾何望。
打窻聽雪聲，起視夜已央。

謝子文龍尾藤策之贈

子文善方伎，好從吾輩游。城居三十年，藥惠遍八州。
我適駐棘津，數見禮聿脩。循：似不能氣兒，何和柔。
贈我龍尾研，加以蒼藤修。杖為扶我衰，研用供冥搜。
入手三摩挲，滌白雲滿汀洲。意重無所答，在我將何求。
君言愛余書，落紙雲煙浮。儻蒙數字惠，永作千金收。
既閒因語君，我老拙所謀。有時縱惡札，聊用寫殷憂。
如君濟物心，胡為効予尤。喜抱弊帚歸，兩袖紛琳瑯。

客去倚牕坐，念之思夷猶。一作誰期沒癖中，亦有同
好流呼兒一題詩，持贈相為酬。

贈仲溫教授求授真訣

僕年五十餘，氣志覺衰耄。耳厭秋蟬號，目眩昏花曉。
癡鍾百態，其何啻鬚髮皓。竭來觀津邑，有幸遇醫老。
仰開浩：天俗營歸一掃，息心抱吾真。辨之當在早，
人生堪與間。雖豐貴強矯，不然一物耳。歲久等枯槁，
况復智物誘，內熱日煎擾。不聞山木喻，樗散元壽考。
守身為最大，自餘皆細眇。亟當念所存，夕惕謹持保。
授我內經旨，根命入幽討。促膝語三日，底裏為傾倒。
會合豈易得，相逢恨草草。多君濟物誠，憐我慕丘禱。
夜闌耿無寐，再拜獲至寶。作詩代瓊瑤，梅期永為好。

泛漳篇并序

予以王事奔命今春環走二千餘里前
次漳陰車殆馬煩且得目眩髀痛疾遠
不能騎舟行東下庶得一日之休富覽
大川勉卒來事作泛舟篇以見意時至
元辛巳四月十一日也

盤、魏大名屬縣行且周銷我髀裏肉四月猶綿裘
舍車出漳陰步上枋頭舟咿啞理雙棹信舩下中流
清風泛微瀾篙師訝當頭豈知河伯意故、為遲留
汀花助行吟孰取澤畔愁解衣卧蓬底穩似画舫幽
駭觀兩岫移灣環轉林丘灘回淺能溢波富去自適
拍、風水聲雨打空階秋白鳥何處來雪點河之洲

前飛如導予翔集聲啁啾欽念川上嘆晝夜何悠、
宜為智者樂曲折涵至柔中擅利物功轉漕半九州
君看萬斛載掀舞一葉浮仍為勉不怠能若茲水不
行、望沙麓旦得一日休呼兒覓殘紙題作漳川游

栢亭嘆

至元十八年七月初二日次栢鄉因所
見而作

鳥巢一枝多回薄萬榦林富覽擅已有振羽辭凡禽
傾身附老鶻翔集千仞岑既切彼所習復接鳴鳳音
秋空恣搏擊鷲老有弗任勢大不兩立擠彼歸幽沉
健雛從天來赫、威制臨毒拳奮所宣坼裂顙與衿
縣官籍其家富埒郭穴金懷璧匹夫罪况此皆漁侵

行植栢亭傳緩轡惻我吟前車滿拏戮後車載瑜琛
乃知非分福禍養檢人深行路莫為惜但云神理忱
豺豕與蛇虺吞噬蓋本心天道喜報復自昔悲獨今
戾氣容有已怨讐日相尋一禮制萬動千古聖所欽
何當民志定無復僭與淫

九門道中

至元十八年十二月六日同察司諸公會葬董簽院於南董高里原還過九門

故城作

朔風暮轉劇曠野埃霾昏長鞭驅羸驂日晏東南奔
義有執紼役重過孤城闔邑居廢與置代遠不必論
緬懷武靈舉騎服開雄尊國聽固自我臣義贊亦悖

潛師襲中山萬馬出此門林樓九原塞英氣為一吞
脾晚五雄間霸業幾桓文至今西林阜隱猶兵屯
一朝探雀齧瘼死秋槐根人事靡不初克終乃可云
野老無所識引宿投荒村吹燈具萍粥士雉藝使温
解我寒悴色謝官非所存就枕固不寤一覺東方曠

野河渡

蒼茫劉橋渡南北凡幾過清霜十月交澄湛東流波
飲馬立水邊照我兩鬢皤行役非所苦傷懷動悲歌
三年恒山趙彈劾兼拊摩熬眼中民力弊差與科
不能一勺潤慰彼煩與痾顧此衣帶水溉載功寔多
人而及不若低首愧野河素餐吾可逃奈此蒼生何

菊歎沙河縣作

佳菊如幽人，蔬畦溷凡卉。逸叢嘆萎暵，與我初不異。
秋香期爛熳，培植須早誅。呼童溉清泉，乘曉看生意。
繁根溢芳滋，秀色失枯悴。一物苟獲養，面背見盎晬。
人生胡不然，浩、存夜氣。

輓漕篇

湯、汶水波西，驚復東。注勢雖汗漫，來止可流束。楚
發源本清淺，才夏即沮洳。安能浮重載，通漕越齊魯。
有時汎商舶，潦漲藉秋雨。舡官行有程，至此日艱阻。
鉅野到齊東，着淺凡幾處。必資州縣力，澁滯方可度。
漫村趕丁夫，所在沸官府。先須刮流沙，推挽代篙艣。
硬拖泥水行，奚異暮盪努。涉寒痺股腓，負重傷背脊。
咫尺遠千里，跬步百舉武。茲馬幸得過，斷流行復阻。

又須集牛車，陸遞入前浦。中間吏因緣，為弊不可數。
蠻稍貪如狼，總壓暴於虎。所經輒繹騷，不若被掠虜。
盼、入海口，未免風浪鼓。舟中一斛粟，百姓幾辛苦。
今復起堰埧，壅積百方樂。木石動萬計，科配困氓伍。
不思根源微，隄障深幾許。轉漕本便民，廣儲實國補。
事功貴順成，勉強終齟齬。海道事已然，又復有此舉。
惜將生民力，委棄若泥土。山東實重地，一靜乃可撫。
嘗聞建隆間，有相曰趙普。凡百投利人，罷遣皆不取。
以茲報國恩，後世比申甫。黃閣十餘年，清風一萬古。

元日示孫阿鞬六十韵

璠璣世重寶，就器須磨鑄。杞柳固凡木，矯揉成栝栲。
人雖物之靈，學則全其天。蛾子積大垤，禮經存至言。

多學卓有立孔門稱子淵吾年八九歲入學鄉校間
外傳既善誘汝曾從勉旃暮觀子夜後晨讀霜月邊
日課字三百熟誦僻半千十三至十六詩賦填全篇
十九學蘇門遂親經史筵潛闕義理窟弄筆勢翩
遺山紫陽翁鹿庵暨神川四老鑄顏手誨我扣兩端
膝口為獎藉孺子有足觀自後雖努力已為家務纏
隨復就力列一身縛微官道德負初心聰明非日前
歲月不我與齒豁童其顛猶能致祿位分持憲司權
出入鶴蓋陰紫袍金帶鮮舉家初不識啼饑與號寒
政自稽古力汝曾極周旋切誠習刀筆有來戴儒冠
傳家無長物臨終付青氈有書五千卷夫半親手編
三世無白屋辛苦天所憐多財祗益愚讀書可希賢

遺訓毋此替我目瞑下泉汝生今十歲小字名阿韉
貌端娟且靜氣吐清而圓妍皮裹癡骨了不直一錢
致身文學中不負三輩傳後事實汝責窠鷓望飛騫
四民士為貴六經學之原身安得所師志節先強堅
憤排務時敏効習心眼專人十已則百人眠已不眠
事業一燈苦聲華四方喧唾手取青紫如拾地芥焉
子孫巧華澤真祚將綿二但見讀書貴但知讀書便
重則復其家輕則雜泛蠲不見編戶氓差徭日相煎
里胥徵歛急追呼到推牽汝若學不立非農即商驛
更下作奔趨為人執弭鞭爾雖士夫裔所習失之偏
不學入常流學者乘高軒我嘗感時輩貴賤難相攀
何啻龍與豬過甚霄壤懸子孫轉下愚門戶日凋殘

或祇為士子終身尚高閑向來微歛暴略不相為干
近多置書家萬卷圖好看來者不一讀非貿即棄捐
人果不好學方寸如廢田良苗復何有茅塞深荒烟
皇七篇書義利何昭宣堯舜等人耳有為即差肩
我家徒廊衛將近二百年素業農與儒宗族頗婢媠
囑汝善繼述可光新舊阡我老不足法汝曾言不刊
念茲復在茲敬之若銘盤力學貴稗齒收功良匪難
幼成若天性習慣如自然所以昌黎公恩義戒奪遷
願汝事斯語佩服如韋弦我文多漫與此詩不可諼

桑蟲歎

行：桑間人執柯爭擊扑樹根擁圓壤持錘待掩覆
云是振桑蟲除治絕遺育吐哉此何為與蠶同出沒

千林綠如雲一掃若湯沃不知絲忽賜其大容幾斛
春蚕眠正飢蠶富厥族湯盆出新絲奪自汝口腹
無衣四海寒十千帛一束老農前致詞近歲罕何酷
無乃民作孽其或時事促十年餐險食邇來險不復
嘗云和致祥野成繭與穀皆緣一氣間修省轉蓄福
望：惜雨乾汝等稱濟物駐驂答老農嘿爾私自囑
調元真宰事吾輩乃碌：低頭愧畸人張口待廩粟

靈光塔并序

予自京師南還赤日黃塵走六百餘里
及登茲觀煩襟倦思頓為一醒因書斐
作二十一韻以記來會

我從京師來望：入定武靈光古傑觀截業上雲雨

何年僧令能建此壯佛宇浮雲衛浩劫神力湧坤土
經過二十年未暇登陟舉坡仙遺墨在平日思一觀
初穿若蜃樓轉上從戰櫓拾級有餘平緩步無隄苦
最愛洞腹寬豁達儘容與盤折抵絕巔未省吾背倭
心清聞妙香風烈不知暑迥臨增雙明從倚慄兩肢
潭池黃一綫大行青可數江山有清眺萬象入延佇
乃知灑爽氣物外自吞吐應憐闐闐人下與塵坩伴
斜陽沒高層風鈴時自語靈光久無光雄筆照千古
摩挲墨花昏瞪視遠如許清風冠高標猶足跨虞褚
龍象幸護持取重此窳堵窳堵波佛經云高顯也

春榆嘆

昨游封龍迴行、憫農耕午愁得美蔭飲馬常山城

總

有婦挾筐筥木皮白縱橫柴門臨野碓舂治無停聲
朝食此皮麵暮煮此葉羹林荒茲上食殘喘聊支撐
話已長嘆息一飽何時盈我因慰田父努力無嘆驚
皇家澤霽霽蠲盡租與征閱月凡四雨禾苗見青
又聞使四出訪問民間情有害思與去有利隨使與
惟期和氣應庶得來休徵寧心待斯須會見秋有成

折齒吟二十四韻

吾年未四旬顛髮白勝雪兩眼眩生花一耳或通塞
所喜牙齒牢未省有殘缺飲食雖壽基齒壯物善啖
庶幾桑榆境健咬延歲月所以載與餅飢來若刀截
今晨具盤餐輒肉固纖屑一嚼出不虞左齒拉而折
群稚慘不嬉病妻驚欲絕汝老不自量無故取推搯

予云盛則衰百醜見兩頰平生好言辭咀嚼出五色
文戰怒欲碎醉飲乾甚決運用勤亦至半百當衰恭
一作時以舌舐乍脫覺中熱一落不復生根杈漫枯
枿駭若中堅摧闕於山口豁自今須慎護作事思安
帖一柔勝百剛有味老聃說哈呀動恥念顛倒漱水
怯猶勝昌黎公餘者堅尚潔既不妨歌底用心軌
艱齒墮端午前詩裁重午節成虧恐有數歌以散憂
結

癸未七月秋分日鎮陽澤宮弘道堂讀韓

子有感

盤、素王宮鬱起金粟背厭喧卧芹堂枯亡心暫在
岡平勢尚隆雨久晴亦快風清自遠至雲竒堆戶外

一編子韓子至味欣一嘖時當八代衰道脉僅如帶

先生晞聖徒扶觚由我秦詠歸渺聖門簞食乏藜菜

顧時有汗隆盡我志所逮：仁義心自任乃爾大

橫流嚙巨防力障俾勿壞排陰入九地孤唱肅萬籟

困吝初不詆百折氣益邁要當沒則已不易下惠介

書雖不盡言後學有足賴真知程子說安石詩自阮

荀楊公所譏鄒後無接派道心得非深能遽發此慨

略內詳外言恐就述作概我知踐履功當世仰崧岱

後來立論者志母以辭害文平極道腴筆肆走光怪

私心適有會何翅讀屢再椎名儷景翻浩氣振吾憊

起拜壁間像顛泚覺雨霈宜乎配神庭血食昭萬代

董大夫廟

在元州城北門內有宋元祐間
縣宰宋保國壁記云縣西南八

十里有廣川店。隋避諱改長河。縣今將陵縣是也。舊屬冀州。

吾觀漢家制，所法皆亡。羸中間去取之，易苛精寬平。何參不足責，本是刀筆生。文景尚黃老，申公負虛名。賢哉董大夫，三策冠漢庭。論說天人際，高吐三代英。仁義我所重，功利我所輕。紛弘湯間，獨能尊聖經。所惜王者佐，竟老膠西卿。過菑得遺廟，再拜冠與纓。至今讀公書，片辭皆世程。浩廣川水，萬古朝滄溟。因之觀其瀾，吾道得少行。

漢丞相條侯廟 在菑縣西三里

遙漢菑國落，真將軍至今有遺廟。突兀城西垠，維景四葉帝。息濫椒房親，高帝白馬約。侯封乃忠勳，區王氏子何功復。何人丞相懲，呂禍安劉念先臣。

所重社稷計，豈憚嬰其鱗。竭忠固臣節，返得快嗔。大哉不設權，薄責等上尊。庾死何所慊，景皇似非君。

泥阻小大西門道中 七月四日

七月四日

常山抵鳶觀，望百里近。我行滹水陽，秋漲勢絕。氣蒸暑肆虐，雲駛雨作陳。經塗被游潦，間關阻前進。固知路未夷，畏此簡書迅。東西大小門，咫尺浮圖鎮。泥淤壞轍深，車陷雙輪軋。顛蹶困長耳，喧呼空斷鞞。于役非其時，跬步有至遴。用極壯則言，人牛親倩問。言形半公私，物應有違順。禮讓疏慊荒，非係風土恪。侯門仁義存，河去安所潤。赴官比花開，斯語未盡信。暮投田家宿，何翅夏畦病。苦熱不能眠，伏枕聽露蛭。

鋤鏤詩并序

至元二十年癸未歲七月四日赴任濟南道出橐邑西南鄉觀農人用鋤鏤理田時秋霖開霽嘉穀滿野三農熙然有歲成之樂自惟本田野間人喜為賦詩不知何時得與若輩耦而耕也
雙竿駕特牛獨脚雲耳並紛：捲土落一刻蕃州淨是名為鋤鏤初不見田令行觀數畝未草去苗意盛中心覺欣快圖蔓得機柄種多我力寡匪此何由勝一作人定果能勝神農製田鏹未耜理之正茲焉述後來初出驚智竟荆公重農本一：見歌詠青苗變箕歛大為當世病千年負深譏言不覆所行

牛升哥詩并序

深州靖安故城店牛氏子升哥年十歲能白翦諸字試之誠然點畫波撇甚有可觀者其父來求詩因走筆賦此七月八日
人生有至性凡事作不難豈問年長少智巧出百端阿升甫毀齒能弄金剪刀一字初不識所見禾與蒿字形雖百態裁成思無勞樺膚指細像棘端刻飛猱往：從効習猶足驚免曹我因囑乃父宜令筆墨操學焉苟不輟智見為書豪

聞談劉齊王故事并序

七月十三日宿阜城縣廨教諭劉元輔話廢齊祖塋在縣南十二里今謂之御

莊至今石馬在焉。明日次元州陳教授
又說豫未貴時，一日顧見一白龍現婦
翁家大鏡中，但無鱗與角耳。後乃岳亦
見以女妻之，資藉之力甚厚。及生二子，
以鱗角名之。或者謂二子長，豫當大貴。
後果然。

劉公布衣時，往人鄙棄。婦翁識其賢，資藉極至。意
龍騰鏡光中，第闕鱗角，異用補二子名。既長，志果遂。
八年，享昌齊，有命終閨位。至今說奎銀，託子返為象。
為淵既，歐魚齊安，得不廢。竭來過故城，人指金華地。
公昔此讀書，葱鬱見佳氣。尚看書帶草，碧色映階砌。
蕭條縣南墳，猶以御莊謂。石馬慘無聲，山冢又蕪穢。

空餘一字詠，流播傳後世。邦人陳與劉，因話設此事。

過深州故城有懷韓昌黎解牛元翼圍事

維唐有藩鎮，連衡皆盜區。污孽互相濟，殆似背脇疽。
心腹訐蟲賊，膏血化蟲蛆。厲階安史亂，王澤不遠敷。
河朔有故事，誓作効逆堂。裴中令夷蔡，恢皇圖。
聊乘破竹勢，一制三鎮污。腐敗就與決，大赫天王誅。
彼相中如梗，百裴竟無如。事機一墮地，涵漬終喪軀。
靖安門晝鎖，長圍困虬軀。昌黎解一言，王略始得舒。
信乎立大事，臨機見真儒。東征過故城，往事秋風徂。
得人國無弱，懷古重欵歎。文公豈多得，元翼何代無。
賢哉霍生行，霍宗字守道世商賈二子長曰思廉次曰思文

賢哉禹城霍傳家惟永圖一身坐服賈二子使業儒
虛館欽師範謂董宗道也名師舜濟南人捐金買詩書所願士行
列所願德依於利達非素望爵祿非所覩義修日有
來此心得安舒我職宣教責東行式其間二子出拜
我樸厚中若虛呼前試講說固覺回不愚我因囑乃
父義利不並居頓首謝使者行將帶經鋤祝阿幾萬
家從古禮義墟後自兵草巢宋錐刀衆為趨瀟灑枳棘
間一朝見鷓鴣孝悌道甚迓色怡步徐聖賢事不
難經訓即蓄畬二者有餘裕文章自華腴要知特達
舉張本德與譽切戒作而輟又慎終匪初勤苦天不
負流芳子孫濡或祇稱善人已為舜之徒讀書不求
官此語聞大蘇譬如飲不辭陶然歡有餘賢哉霍君

心能與坡意符因之訓二子此詩不可無七月二十三日客禹城作

題洪崖先生卷後

昔夢洪崖仙遺我雪色鹿振衣登長崗超邁翥玄鶴
山精與木怪役使供走僕至今青城山神爽動林谷
三郎老溫柔妄意金仙躅兩行招隱書空霑岩桂馥
誰能拍其肩翳鳳事追逐我欣拜遺像及此凡數幅
仙標入遐想茲畫更清淑掩卷見南山高興渺煙麓

出香奇石

張生貯奇石携來有遐觀一峯華不注墮我几案間
穿穴作怪供突兀橫蒼顏炷香烟滿竇野燒生春山
我久汨俗冗對之心暫閒暝坐清興遠夢與孤雲還

洗硯示孫阿鞬

書生事筆耕窮年治農圃我貧未是貧四貴會文府

東坡謂筆墨紙硯文房四貴

伊硯供我用小大不恒主磨研積有

時敗墨雜垢淤毛錐汨厚漬家蕩失劍舞墨石不相

入肝膽幾越楚呼兕濯清泉外難思一掃枯蓬發寒

芒炭柳屏宿汚玄泓連紫臺月露灑天宇烟：鸚眼

碧婉、脩眉嫵歛絲紛霧縠秋色鬱端渚更怜綠玉

涎金桃咏鸚鵡石中有此理面目開太古不辭襟袖

黜一：重摩拊朝來試玄圭瑟：響秋雨聽餘思脩

然揮洒方得所玩之中有感滌念易心慮元來況本

善物誘失初度賢愚不相遠克復在朝暮昏蒙貴擊

伐氣志戒墮窳淬礪能日新天理自昭著願渠體終

章吾豈為研賦

秋澗先生大全文集卷第三

秋澗先生大全文集卷第四

五言古詩

遊百家巖四十一韻

兩紀山陽城行役凡七過佇瞻百巖雲屢往屢不果

亭：白塔顛望遠幾招我今秋若有相老僂脫籠鎖

二三會心友與遊無不可初從萬戶門迤邐陟層壠

石林轉幽深到寺氣幾爽截雲駭巨屏勢軋坤軸妥

天閑瞰絕巔黛色滌峻朶三纏上杳冥兩岫巧包裹

谷深餘繚曲石怪欲垂韞何年緇衣徒詩境闢餘顆

或疑巨靈谷擘削乃爾破僧殘失珠寶寺圯驚甌墮

寒猿從何來踈踉不能箇近人不少怖掇拾落殘菓

有草名龍須纖潔豈容澆崖絕不可攀殆似銜竒貨

寂憐明月泉流瀉不細瑣玉虹貫山透噴洒螭口拖
我嘗遊三嵎景氣固云哥未有此泉勝翁合瑤峪大
恍疑神物潛供飲結僧課徘徊醒酒臺石老書字娜
憶當沉酣時萬象入眺卧八荒敞庭衢日月蝻旋磨
下視區中人宜為螺與羸復尋淬劒池履噉不辭跋
澗黑不可渡悵望藉草坐山僧似嗔余空踏苔蘚破
萬榭霜葉丹鍛竈烘熾火有懷中散公材大識或麼
至人戒其偏康銳不自挫當時朝右姦如會鬼見唾
吹毛不此施淬礪安用那徒為論養生竟落非命禍
長歌下山門世界訝許夥寵辱未足驚門閭續吊賀
吾須人為徒長往非所荷正煩日用間克我偏與頗
賦詩約重遊備豫木客和

謝王中丞惠栢栽

我家西河阡清陰不多植白楊風蕭蕭萬葉空夏擊
君家手種栢蒼榦照城壁移栽滿山丘鬱鬱歲寒質
丐餘補不足雅意許波及恣取不我貪廣種庶多得
慇懃教之法水土要相適又云樹平壤根柢雜沙礫
蒼官雖鬼庭在木躋壽域根蟠泉窟深氣接太行碧
他時兩喬林黛色看千尺大招遠遊魂納此衆香國
百年見諸孫鵲立太陰黑若問物從來渤海王氏出

飼牛辭

我性本疎拙壯年樂郊居况茲二頃田近在城之隅
兩紀官為家耕牛老無餘秋翻已失計春種烏可虛
浮陽漲林垌我剛猶荒蕪傾囊買雙犝典却杯與壺

齒歲固云穉，野牧多形癯。角浪黯無光，寒號躁不濡。
服未試，壠頭喘息久未蘇。田家作雖苦，大本誠在渠。
嘗聞老農言，力盛出壯軀。時過皂隴，付囑飲食劬。
早晏日有常，瑣屑豆與藿。均勻細為和，回噍皆至腴。
顧立終所舐，對之為嘻吁。半生遊宦間，代耕竊官租。
雖乏濟物功，遇事多直愚。鬪怯公戰勇，不知夏畦諛。
古人發畎畝，開務荷天衢。有莘伊衡相，南陽孔明廬。
大賢吾敢望，耻作遊說徒。咄哉奚戚輩，販鬻庸自污。
百里西入秦，炊虀感妻孥。養牲五羖皮，其志還自如。
越禍不掩肝，夜半歌嗚呼。應憐南山粲，中有尺半魚。
一朝遇霸主，立談開遠圖。我歌意有在，歸來事耕鋤。
水溢繼旱乾，三年儉併儲。力田漢重科，躬耕需壯夫。

我老理當佚，返與若等俱。塗霑固不及，風日儘瘁枯。
筋力日衰耗，毛髮不滿顛。平頭七十數，溫飫帛肉須。
舉家二百指，張口待爾舖。田間一笑起，謀生太區區。
非閑効周人，白首悲窮涂。庶配耒耜經，固之補叢書。

種蔬

風人憫東周，饑饉何荐臻。一飢未為窘，二事胡並云。
當其穀歉時，一菜真偏恩。減粒倍蔬茹，儘足濟餓貧。
我田在溪曲，有圃逾一畝。十年廢不治，草闍野井督。
飯糗日兩盂，舉按蔬為先。顧瞻畫又首，日食無幾錢。
甘受宣父謂，課兒斲荒煙。嘗聞鏹不驚，示貶中書堂。
况我田野人，鄙事亦備嘗。東家乞蔬子，西家學種方。
又土作長塍，繚垣為周防。劬勞不自時，綠畦變天荒。

朝來見生意次第青與黃春非存夜氣夏葵茁屯芒
努力辦一飽藉爾為半糧大哉烈山桂濟物心違
艸木別珍味擴充神祖嗜雨露天地息水土仍君王
智能創而述功用有至歲皇風眇無及庶物昭回光
配社德罔極萬代詎可忘

餞王和之北還

王即自燕來不見凡四載拜起寒暄餘命坐至于再
靡然哀俗中持身敬勝怠出言口不能遇事意何慨
瀾翻譯語詳宛轉刀筆快幾年民部間奔走事多賴
負責在人先利心非所在所以即曹官倚用例深愛
竭來衛南鄘治任將北邁為余閑著書論說餘教戒
探微尋陸緒發源疏九派贈言為至榮在公猶馨欬

賤名見諸編儘足光世代嘗觀長厚人往：福未艾
行矣愿所守揚名此無外芸香霏版籍鴈署雜書袋
飛翔得所止早夜更匪懈會當長安陌軒翥看冠蓋

汲冢懷古

丁亥歲三月十八日觀稼西疇遂至伍
城抵安釐王陵下歸作是詩者蓋自江
左平後竹書多傳於世余憂好奇攻異
者讀之恐有致遠汨泥之弊故不得不
辯云

灑迤伍城郡背水猶陣圖魏陵廢已久磅礴如覆盂
草樹慘不春穿穴狐狸墟我來登其顛懷古心躊躇
憶當戰國際晏釐亦狂且澤廩被臯比坐為秦人驅

敗亡自此始。保邦何乃疎。不知身後藏。安用書十車。
上窺姒與商。下逮蒼周書。零亂竹簡光。詭說何紛拏。
征南辨已詳。多出行怪徒。稽古不遺正。死為毛穎誣。其
中亟當辨。阿衡被夷誅。孔子脩六經。亦已防姦汚。大
書一德後。薨葬開毫都。在易最竒法。安取理所無。茲
焉萬世程。洋洋真聖謨。何煩事幽蹟。致遠泥所趨。長
歌望陵去。樂過風乎零。

壽弟監使仲略

淇澳望鄧鄙。迨千里途。吾弟官其間。筠林辦公租。
十年凡兩見。聚散何須臾。今歲乃天幸。同歸在鄉閭。
朝昏對無時。設笑樂愉。春風露堂飲。盤餐雜肴蔬。
絲竹厭啾聒。却去從歌呼。曾及兩耳熱。仰空作鳴。

張燈更大白。要盡壘與壺。都將積年懷。一洗中無餘。
健倒不知曙。醉頭同與扶。扣瓶得餘醞。忘却公堂趨。
時以事候府下兩宵對牀眠。百篇詠徐。靜聽未容再。恍陟
西崑墟。鬼窟易作計。犬馬艱為摹。吾弟擅所長。愈吟
辭愈都。意圓兼理到。韻遠幾風疏。宛從尋常中。竒倔
驚專車。又如荷盤露。細大皆成珠。韋郎五字吟。花樹
欣游居。今夕復何夕。香滿先世廬。近復示新作。篇
商起予玉。美韞櫝中得。價不待沽。倡者凡幾輩。賞識
風雅殊。今者重有喜。不為文字娛。君今知命年。我亦
耳順踰。素髮各滿領。不樂復何如。况逢初度朝。怡
與之俱。膝下分戲綵。朋徒日依於我。有一罇酒。慇懃
三禱渠。一酌願君壽。金石堅不渝。再酌官事利。百吝

為一攄三酌日康寧神相千金軀貴富天所與道義
我所儲居閒未落寞畏涂足崎嶇家理即邦政緊孝
與友于長歌復一杯此外非吾圖摠詩皆漫與此詩
吾特書

酬紹開提刑見寄嚴韻

我老不足畏閉門欲誰親案頭有遺經卷舒無時句
平生未嘗學於烏窵彝倫既非目擊者補拙需以勤
其或少有得庶泆義和春吾子四科哲勲名逐時新
邇來亦歛翮淵潛思自珍有時縱諧笑傾倒冠與巾
豈知寄傲餘落筆擣雄文客來示新作郁、皆卿雲

擊訓狐

訓狐本惡鳥飛潛林谷間眇夜返為晝聲勢何軒軒

矜凶聚妖異其氣幾神奸家僮夜得之縛致庭階前
目光爛兩炬狂躍倖一騫群兒顧之駭四走入席眠
我因為沉思善惡以氣宣古云鷹隼輩不如鳳與鸞
以茲惻隱心遠彼凶與殘胡為止我屋夜半呼聲乾
女奴前致辭此物何足患西家養已久逸飛偶翩翩
內疑始冰釋念之心稍安緬懷昌黎公心炳陽鳥丹
鸞弧親斃之絕類不使蕃揮策碎厥首亦與韓意然
長令杖端血著此一綫殷比跡孔段笏異世同不刊
起視夜何其斗插西南天蒸雲變曉黑漠、來輕寒

明農亭

我田僅二頃近在清冰涯宦遊苦不巧歸來把鋤犁
樊須被聖闢彼士當有為時有利不利一饑胡可醫

士而食其力安分至極宜繫手事農圃三歲慘不昭
四郊氣隆宗澗笔成悴萎釋未得窮處日坐詩書癡
樵蘇甫有積瓶儲復無幾餬口恐不給奚暇卒歲衣
明農榜新亭此意空規：有懷靖節翁起為三徑資
分種杭與林一稔欣有期豈知事大謬折腰困儉微
歛裳即宵逝一粒不入頤瀟然環堵間老饑日相持
九華安足服嚼句充朝飢士貧理雖常念之令人悲
空餘身後名萬古流清輝天運既若爾吾道將安之
過此或有作殆與天相違

感興詩三首

中丞子初過訪憫及生事述此以見志
亦古人感遇意云

終歲不製衣日僅兩盂飯得年過期頤此亦何足羨
是非才華軒口悅芻豢平生未嘗學晚歲似有見
盈望五秉粟禦此飢凍患閉門了一經庶幾思過半

囊到羞澁百計若為辦人生霄壤間所界恐有限
分外思錙銖有力不容縮傷哉道難成拊掌發浩嘆
士間不吾知曾次何磊落少當利害間鮮有不顛
患在無定方多學昧所樂出處况大節未用從人
開設話艱辛汝豈有求託譬彼飲與食孰不知飢渴
區、俟渠決肥瘠不相曙在我弗能了彼豈吾可
咄哉太半雄校讐天祿閣我嘗讀其書辭旨徒

意何有止得寂與寞物來有當行道在吾
面工事所在俗爭取 維抱經綸見售

未容祿代耕韞積俟其沽陷魚入石中可為
因極責征志又昧出困舉 須利所
有客過語予 受固宜俸所論誠足佳出門
通行會有時且入此室處

苦寒効昌黎體

四年丁亥歲十二月
作是月廿日

四年丁亥冬玄冥肅坎治太陰包元陽少動不
苦無風色惡積雪不在地陰機發新巧寒沍積
玄霜佐隆嚴宿 助重噎長空浩乾冷

猛於虎政苛虐甚伯有厲爰從一氣初起

刮肌粟生膚酸鼻冰 涕瓶羸酒 井涼晨

凝涸澤冰空破裂山石碎潜蚪僵若蚕

墮挺獸忘群巢 鳥交墜義和倚雪

熒惑慘不芒崑火澹不熾東皇約祝融縮首避權勢
天弧弦屢折何有琴瑟革薄惟透三衾夢凜神不寐
暖老玉無憑炙手竈可媚閭巷稀往來雞犬噤鳴吠
茫茫堪輿間欲道何所逝若將肅殺威一變寬大制
時當謹蓋藏理合絕掩蔽雖威貴不猛革故不失惠
明知勢非恒其奈日增劇富人尚云哥貧弱胡為濟
里門有殪僵穴處返得計我時幸深歲順此天地閑
無餐又無褐不易卒此歲有客過子談歲律何時易
九陽消一陰萬象回生意予因語過客無庸心過亟
四序本平分過差自成盞此雖節氣正未免急恒致
循環萬化轉一刻何嘗滯昨晨履中園芳樹一為晚
枯枝雜凍條芽孽已萌綴都無十日春迎致勾芒祭

土牛送餘威，斗柄插寅位。汝宜姑待之，能作幾日崇。
我閒亦已久，幽屏空懷霽。偶書苦寒辭，又成鞞筆贅。
何當凌景風，下折炎洲桂。古云玉燭和，調燮由獻替。
冥冥於兩間，侶恐不關係。天運諒自然，何俟叟吾喙。
峴山荒谿石，濁滓凝太古。顧雖一拳小，岌立有足觀。
牛神兩顛撐，山魍一足柱。移來夸娥擔，劈截巨靈斧。
蒼雲裂荒寒，老峽濯秋雨。千年洪水餘，石浪尚掀舞。
又疑秋江蛟，蛻骨委幽渚。却愁出雷火，下取還洞府。
要從五色族，軒鼎入練煮。元精儻不克，備豫女媧補。
從渠置散地，不第竒章譜。

疇昔一首寄胡紫山 戊子十二月廿二夜

疇昔夢紫山，燕集街西居。又撐尾傘底，一笑春怡餘。
四顧盡佳客，半是高陽徒。紫山正襟坐，手把一卷書。疾
讀且稱嘆，照眼皆驪珠。乃云某近作商也，真起予。吾
儕惜無幾，烟如曉星跡。正須佳眠食，善保千金軀。別
久得一會，善與老嫂俱。呼兒具罇酒，張燈列有蔬。觴
予不數行，致辭前見掄。平頭七十數，眉毛雪糝糊。投
閑天或憐，有書心使娛。又云悼亡來，不以再娶圖。老
懷固鰥，宿業一掃除。殘年累幸輕，恐是得壽符。叙
濶夜向深，對牀卧斯須。展轉寤寐間，恍然到吾廬。春
明煥庭軒，門繫雪色駒。倏忽坐壤舍，意若傷道污。彼
豈能我免，高氣初自如。體融合若一，樂遠歸不殊。安
得自伊始，終歲同步趨。或乘款段馬，或駕下澤車。春

風十二窩醉墨翻瓊瑤相看以佚老脫屣榮與枯夜
寒薄重幃夢清誰遣呼枕邊有鐘鼓夢應更壺起
聽夜何其漏下三更初念茲夢何異自况良可吁紫
山俯秋澗玉峰映汚渠固知矐其後庶可山澤臞
毫記所過一字不敢渝代書寫離素涸魚聊自濡何
當拊素箏醉將桓侯鬚取其使君不凡之意

元日吟

深院吃祭餘黎明紛拜賀嚼飲藍尾杯傳嗅辟瘟醕
獻歲事多宜晚景福未艾鄉隣最善禱有錢無病害
兒童樂新年添歲漸壯大老人死生忙應接筋力憊
元正貴清明其占君子泰多連人日陰野老足吟嘅
今年天氣晴日色暄可愛相竿絕微風曦馭飛火蓋

墻陰凍全消水陽冰自壞布席坐前簷歌傾餘醉態
一冬苦凝沍乍暖欣曝晒顏然曲肱眠夢到華胥界
宿醒與臘嚴融暢無內外放教原壤肆大豁伯夷隘
溫春和湯股痺為一差覺來喜不勝嚼有屠門快
持羹欲獻君癡絕覲霑丐

嗟哉傅生行

客從大梁來投刺謁蕙帳再三相之坐氣貌何骯髒
袖携一卷詩照映青藜杖起立懇予觀詩意見推唱
傅生南樂人明兩自幼喪聽官奉心君入耳物能狀
暖然内含光記誦殊通暢我思篤廢人氣志多散放
苟能秦此軀那計非所養傅生痼而卓出入知所嚮

不學陰陽流甲乙肆虛妄復惡鄭衛哇恥列師瞽行
六經天浩義理無盡藏游心於其間取友千古上
古人不復見古心胡可忘古心果云何姬孔乃心將
循夫天理公絕去私慾王神光滿牛背安取內外障
師傅庶西河爽識或晉曠不吐張籍竒猶可祖珽相
世人非禮視外蔽內隨蕩思屏心過易眼過最難愴
一根塵幸空內動息孟浪作詩還自笑示勸隨彼量
大匠無棄材長短皆有望文昌藉終譽尺書軍欲張
豈知我非韓徒增山斗仰

處暑日偶書 丙戌歲七月

長夏便幽居動靜得交養杜門遠炎囂人事息來往
三年謝簪紱倦鳥脫籠網生涯書滿屋汎覽極遐想

欣然歛有得忘却折俎饗一涼沐新恩允治多峻朗
殘暑竟餘熾木葉戛清響好風從西來一雨為滌盪
氣骨增老健締綌餘爽赫然酷吏去而得故人訪
草木行變衰騷客重悲愴况復迫暮景歲月驚俯仰
浮生太奔忙壯志非昔曩時至氣自衰心在不忘嚮
要資配義剛每戒堰苗長人生老當佚我老事耕壤
有田不及蘇開徑謾希蔣一貧非所憂俗事苦紛攘
娛心筆補衮甘分詔居艱茲焉庶有成心體日胖廣
窮兒即暴富孰羨軒冕儻何煩問大鈞自斷示諸掌
敲門看竹來一笑豁心賞

秋雨中書懷

秋氣何沉寥寒序變淒淪木葉與時謝芳菊得秋萼

生涯無少營，書史有餘覽。靜尋古人心，理亂見忠誼。
薄田待耕食，雖苦猶嚼攬。稍豐不外求，卒歲飽羹糝。
既獲飯蔬樂，又免素餐忝。吾儕當壯年，頭角露斬。一
為客氣乘，前進率勇敢。才行有所處，欲止不容憚。
尚恨才術疎，而不大其膽。隨即事變來，長網驚一掩。
天意深有惜，不遣入習坎。委心聽自然，致用每縮斂。
宦巧輸晉衍，戇直終漢黯。世涂伏黃間，舉足中機險。
虛名竟何用，抵事纏坎壈。唯餘讀書心，連綴若絃統。
秉德思一心，覺哀誠多感。古人了婚嫁，家事斷不攬。
賢哉靖節翁，歸卧斜川崦。怡然擁敗絮，一笑慰佟儼。
多生各有分，過慮讓憂貶。當時曠達懷，樂過鼓瑟點。
因復念涪翁，亦厭俗累染。異世同其流，漆板書何醜。

青山與白雲，江湖渺而湛。終古無少異，曾有不足慘。
窮年為形役，膏火自煎歎。齒髮況日衰，神情豈任掩。
正須慎圭璧，不致有容玷。惟天有盈虛，賦分自豐歉。
天運審如此，終老樂貧儉。世或昧茲理，遇塞強鑄鑿。
我恐傷天和，作詩時自檢。

餞侯敬甫還汴

侯君司竹君，調度去聲總年半。去春特停罷，公私或云
便。繼差上官來，新舊盡交筭。衣袍到緼敝，未免積垢
綻。支持一載強，非汝不易辦。天姿公戰勇，奔北獨與
殿。昨從汴梁來，相過為飲讌。坐間出片紙，喜色睟於
面。乃云監復立，將集此微霰。財賦至復任，斯人不多
見。愀然忽變容，不覺當饋嘆。操刀截鼎肉，有味誰為

雋半生愧茲心而向此中轉若來期半歲整示見關
鍵蠲潔七賢譏去應一鶚薦脫落小規為追逐接時
彥擬憑素所懷高舉酬吾願仍說解由事不了無一
件俄爾來告別牽率復還汴祝余贈言榮歸代賓朋
羨歷聞君所設行止渠自判何庸待余言樂處戒久
戀最哀同寮予臨事本怯悞壯士被蝮螫慷慨有解
腕懸絙即自經而釋身後患更無拙計人一死循鳧
貫常嗟白面生時務少諳練大概說不差節目多自
絆未益瑣屑間居之要無倦君者韓侍中張本府推
幹行矣夷門侯前涂况多援髮壯吾舌在橐鑿志曾
變花樣又時宜何患不光炫

望松吟

至元丙戌長至日追作廿韻

往歲試洛師憶與節齋約同作松少游心賞為一豁
羸駮鞭欲前竟為事所却宛循洛水東馬首眺陰壑
洪濛元氣湧磊落雷雨惡不有此峻極安得雄四岳
只緣不得登萬象負酬酢諸峯羅六景氣終慘錯
披榛入會靈宋離宮名吟倚廢宮角陳公最健者師可三
軍奪空餘陸仙興出世說飛墜迷嶺壘歸尋黑石渡易駟
指鞏洛行嘆不勇失此寧復作吾儕貴乘時過慮
目羈勒至今有餘恨夢繞神松脚盤空轉危磴矯首
看飛閣探穴不知畏入室不挽葛茲焉即神清洞戶
四開闊山人喜余至供具為正泊會凌列宿嶺一笑
動寥廓

宣城筆

已丑秋八月三十日晨起試宣城筆前
一夜夢對

御陳事故有入閣侍立之語

江夏無雙公翰墨能事畢平生稱快意揮洒得此筆
圓如枣心大銳此囊穎直橫馳屈產良細挿蜂營悉
鋒柔得字易心勁腕能造赤管終握餘貶削失勅敵
策勲媿中山落帑生五色或簪豸冠霜或泚螭首墨
入門與贊書侍立

天咫尺雖非山南儔萬一補衮職

賦襄邑蒸豚

尹劉璠字君玉子為都司
時部提控令史相州人

我行錦襄野田間多牧豚不沾欄苙溷不識糟酵渾
涓飲兔苑溪飽嚙香阜根所以味佳美萬有空其群

故人得劉宰紅蒸且盤殮俵淺食不體體芳腥未聞
今日復何日大嚼過屠門他鄉固肥腴性燥空突奔
有時嚼其肉一筋增餘愔乳烹謝晉豪禁鬻未必尊
柔毛詫沙苑盛餐厭羶葷未減貨所饋徃拜禮合殷
物產貴得地橘與枳遽分藍田異崑丘而別璠與珉
人生與物殊善變觀鵬鷗

雙廟懷古

鐵舉動地來獵犬燼九縣睢陽東南衝江淮國所援
蔽遮不使前恢復可立見二公明此機死守誓不變
雖危所保大如蝮螫解腕最難結衆心存歿匪石轉
彼蒼昇全節誰為落賊便已矣君不忘握爪掌為穿
竟能濟中興淮海了清奠至今忠烈氣皎白日貫

賀蘭觀成敗不飲浮屠箭殺亡計多寡此論誠可辨
我來拜遺像凜對如生面乞靈激懦衷劇決剛同鍊
朔風吹樹聲尚想登陴戰暮倚暈月城悲歌淚如霰
陰陵山北舊有廟在山上今廢
重瞳鮮情人鍾愛獨虞美五年有天下寵幸想無擬
一朝走陰陵楚歌聞四起君王大事去飲訣共歎
感君伉儷恩死不為漢鬼一坵鳳陽東粉黛見石絕紀
空餘山頭草纒歌葉披靡定應月夜魂長遶烏江水

江船二詠

篷

尺箬編黃蘆節聯數須隻長短隨所宜張弛易為摘
長者二十七節廣二丈餘一傍繫脚索若網網摠緝北人布為帆南

俗蓬以荻舟師貪重載高挂借風力順流與遡波巨
鷗添羽翮望從遠浦來一片雲影黑亂衝渚煙開重
帶江雨濕百里不終朝用捨從順遠夕陽見晚泊堆
疊紛繁積水雖物善利其助乃爾益

櫓

江船一鉅魚櫓施乃尾鬣嘗其淵水深棹弱不抹乏
故令施航後前與櫓力合濟川具有五此物乃其甲
一聲天際來欸乃中流蕘我浮大河東並岸行若狎
終朝卧舷間蘭棹但空挿緬懷刻木皇智創萬古法

舟宿桃源縣

長路風日淒遠征力難勝捨鞍事舟行庶便寢與興
篷底坐秋江懍如在鞞鷹有時縱遠目汎若孤槎星

河從西北來，勢建東南瓠。萬艘水上下，浩無時停。
利名任風波，醉着誰復醒。閒看兩岸移，轉盼煙中汀。
晚泊桃源下，波光亂漁燈。靜卧船舷間，拍風水聲。
舟人話夜潮，使君老母驚。又云此水樂，君其細為聽。

劉營田拜慶詩

人生所欲壽，有壽貴健安。接物心思贖，曳履行步艱。
雞窠日省定，此又何足歎。耿濟劉營田，字太初事親有餘。
權母氏壽期，頤髮艾顏渥。丹步趨不扶，秋目視分遐。
觀怡神奚服，餌終朝倒三餐。共云子致樂，諒自家有。
閑結禱，見壺儀教兒列時官。豈惟一門樂，化及濟岱。
間德盛福自備，百歲到不難。朝家重貞靜，露恩不時。
頒行當見旌，崇寵光爛門。闌車簾感繡，額誥錦回翔。

鸞者與王興陳，一旦相追攀。茲焉答春暉，寸草心能
單。我詩媿彤管，要作後代看。

食鱸魚

鱸魚昔人貴，我行次吳江。秋風時已過，滿意尊鱸香。
初非為口腹，物異可闕嘗。口哆頰重出，鱗纖雪爭光。背
華點玳斑，或圓或斜方。一脊無亂骨，食免刺鯁防。肉
膩勝海蘊，味佳掩河魴。燈前不放箸，愈啖味愈長。張
翰為爾逝，我今赴官忙。出處要義在，不須論行藏。倚
裝足朝睡，且快所欲償。夢驚聽吳歌，海日方蒼涼。

長至日次赤岸驛

扁舟下餘杭，遠客逢佳節。呼童起四更，理棹未明發。
燈前一杯酒，持飲聊自悅。江行官有程，貴重敢中輟。

此身得安舒，行止聽驅策。去冬一陽生，露寢樂良夕。
錫茶雖草草，初不失家食。今年赤岸亭，野宿雜亂聒。
鄉閩天一涯，雲水幾重隔。殘年無定居，餬口走閩越。
眷焉不無情，念久意為惻。兩舷暗浪喧，拍若鳴咽。
寄聲紫山翁，此懷多不別。時任蘇州提刑。

平望道中

今日風色好，舟行喜清和。吳江抵嘉興，遠不百里過。
解衣坐篷底，間聽吳儂歌。大艚從東來，帆檣鬱差我。
云是淮海公，赴召耽微疴。倉皇不少住，進棹如飛梭。
物情忌太盛，從者不得多。尚餘蔽非載，意氣隘兩河。
有懷陶朱公，霸業到不磨。功成委之去，敝屣與棄蠶。
左顧萬金橐，右顧西施婆。可想不可見，五湖渺烟波。

大安嶺

亂山從閩來，勢若萬馬騁。六丁闢坤闔，通道取此嶺。
仰觀已可怖，初陟戒太猛。乘班事推挽，氣鬱頸生癭。
既升頗平夷，六折到絕頂。最慮泥雨滑，沙磴足易整。
俯臨盡黑澗，一漫漲雲影。似矜吾年衰，不遣見巖景。
一山勢兩殊，限隔示外警。北登儘坡陀，南下峻深井。
牛肩抵風門，峽束轉幽迴。湍泉激南駛，噴薄萬壑冷。
人生此兩足，停輟不俄頃。舉緣聲利牽，走險不知挺。
我獨喜壯觀，大嚼快雋永。好奇與馮生，比較略相等。
漢家截海表，茲嶺乃內境。行人無晝夜，閩吏初未省。
徒令踠馬足，安用障巨屏。暮投大安傳，燈火破牕炯。
吐我胸中奇，削此疊嶂梗。此事特游戲，夜久凍生頰。

控馭稍得宜，雖險勢莫逞。黎明叫雲去，有懷為耿。
自淮口抵宿遷，值風雨大作。徐行終半日，
拖舟入清口，適喜亂淮碧。崔鎮抵宿遷，徐行終半日。
朔風殆警余，不爾何凜慄。江雲作陣來，凍雨天四集。
行捧人力微，泥爛槽岸側。打頭為旅拒，遇淺殆鯨吸。
波神鼓餘勇，洶波浪黑。勢張互相薄，力進硬與敵。
歌傾乃尋常，簸蕩不少息。秋江渺無涯，終日困跼蹐。
夜眠任倒懸，晝坐自撞擊。試身一葉舟，凌轆蛟虯窟。
遠道胡為來，行止吾豈必。相值當耐何，安順險能出。
有涂莫舟行，此語聞自昔。君看坦塗間，風浪猶莫測。
處身苟無方，往半乾沒。居安貴不忘，遇險戒無佚。
所以長樂老，進諫及銜失。行入呂梁，持守要愈惕。

呂梁

呂梁世所畏，往舟碎破我。來相其衝說者無，乃過
南洪一石垠，北梁更么麼。水波但湍急，欲上船旋磨。
更緣暗石多重載，防右左舟空。人力衆徑往，彼無那。
豈云水至柔，內極沉溺禍。至人特為名，過者戒微墮。
舟行四千里，冒涉銳盡挫。高歌幸無虞，猶呼細。
寄聲畏塗間，識者當有和。

秋澗先生大全文集卷第四

秋澗先生大全文集卷第五

甲戌三月十六日校

秋澗先生大全文集卷第五

五言古詩

和淵明歸田園

庚寅冬余自閩中北歸年六十有五老病相仍百念灰冷退閒靜處乃分之宜辛卯三月十七日風物閒暇偶游溪曲春彼林丘釋然有倦飛已鳥之念城居囂雜會心者少因和淵明歸田園詩韵以寓意云

寡智空樂水便靜思潛山性既時與振况復迫暮年
邇者事遠役冒涉江海淵意令不家食餬口須闔田
因之委順去強顏官府間道遠策疲蹇跬步鞭莫前

天幸脫羈勒放歸垌野煙鄉曲喜我至迎拜衣倒顛
雖云有限軀且遂未老閒一洗矯拂性俯仰從天然

教授晉卿旬月間連失三孫

子孫續吾後上繼祖與先何家無與奪與奪非我偏
壽夭况彼命賢愚亦偶然生者撲不死者抹不全
又况諸罔屬天折皆債冤不尔造物戲欲見不測權
所以達觀者怡然於其間死者不深嗒生者不溺憐
東野昧此理悲歌淚漣漣負我十年恩此豈達者言
延陵合中道夫子亦悲酸掩坎三匝去一慟不復潛
曠懷聖為取情鍾世所嘆懼傷吾子和為擬昌黎篇

響板辭

笙篴雜箏瑟悲策合蕃唱喧然一堂間餘音胡得抗

紅牙掩白無按拍喜時向響板出新聲激烈極清亮
都來三鬻木手拉若爾壯遠疑啄木禽扣戶何畢剝
近驚老鶴啄頓齒振林壑劃然透空去夜靜秋成析
方能節衆音乃見終始作我本幽吟人避喧便淡泊
奈何將兩耳聽此終日聒君不見陶琴無絃趣有餘
子幼鳴歌死哀樂

海猿

海氣發異產茲猿世無靈壅願滿脩形被體紛奇獠
晴黃猱攫古喙促歇矯胫斗尾纒尺許直立森幢
跳踉顧自見喜極狂莫降夜風動庭艸猿吠聲爾
不近穢與惡不竊鼎與缸勢猛性乃馴見罕人多懽
有時威見齒迫視防嚙撞東坡詠鳥喙量移遠蠻邦

喜公得北還，渡險無濤瀧。此犬從閩來，氣骨不喙腴。
厭隨吳獵陸，喜逐龍移龐。伴予水陸行，足輕音不楚。
導予為前驅，健迅逾駿馱。辭安得吠雪，寢處不夢江。
堂無紅絲罽，欄有碧蘚椿。繫之護燕几，足以增雄厖。
戀主義不爽，傳書心爾慳。作詩見物性，寄傲倚南窓。

和曲山遊澤宮感舊詩廿一韻

三代闡類辟，菁莪育英材。六經治平具，致澤需吾儕。
君者弦誦堂，明新揭橫牌。新民果何事，五典惇克諧。
平生勉勵心，雖老時往來。名存到實忘，過者宜興哀。
上行意固盡，下効理或乖。文章將相科，勲業麒麟臺。
倚席了不講，若人安取哉。文憲日如綫，逝者不復迴。
嘗觀亡宋學，丕冒江與淮。考亭泊西山，西公生海隈。

天遣關異教，不使為妖災。前年拜遺像，鑽仰心徘徊。
文明麗東南，淵源公所開。至今號多士，翱翔與時偕。
嘗思萬有選，細考勲與階。青紫不素養，格例空崔嵬。
棟梁胡可得，摩挲到莓苔。萬員備兩紀，一夢南柯槐。
此說誠至論，忍使空學齋。人微喙雖尺，有言輕薄埃。
畝不忘憂念之傷老懷。

韓晉公畫蒼拈出水圖

蒼拈水所意，泳游溪水中。物情便所適，頓立不我從。
但見鼻吻長，可知力挽雄。小大制有法，驅牽任此童。
東臯夜來雨，催辦耕稼功。一飽賴爾力，高廩歌年豐。
畫師亦敦本，大意與訓同。用五代劉訓指水吮墨變花
賞指為洛花叢，妙哉韓相筆。遠意老明農。拈為黑牡丹事

唐邊鸞正面孔翠

邊鸞弄丹青思入造化窟平生雀寫真多作正面筆
圓張金花扇迥與鸞彩匹暖圍姚魏春翠射琅玕碧
瑤池百丈鏡顧影時自惜我冠赤墀間朝午見孤立
年深粉色暗元氣悵猶濕遠來米家船復出王涯壁
髯温玉臺後素有書畫癖一見易以歸不惜金與璧
緊君具眼士鑒定能事畢竹亭展觀餘異夢憶疇昔
當時文字祥其應在此夕

琅山北九年冬十月廿九日
北上過保塞馬上賦

太行西南來萬馬驚東北奔騰走蛇陣一脊千里碧
夸娥負補餘弛擔於此息神功見天巧削出千仞壁
亭：十二峯上與霄漢逼高張巨靈擘羅列黑帝戟

枝撐圓蓋傾間映落景黑或云琅為郎說是郎君石
物類無不偶遠與巫峡匹不爾氣變常萬化無定質
巨細一槩觀何異小駢折天機我偶泄山鬼中夜泣
萬石鎮雞川亦可稱峻極

望黃金臺有感

樂生與郭隗擬德非同儕九：乃小教正可訓提孩
樂生復國讎強齊捲輕埃燕昭師事隗竟築黃金臺
我思賢王心要罄初始懷在昭固至德贊襄誠衆哉
卧龍以力食躬耕亦堪哀昭烈味三顧孔明甘草菜
一語萬代譽正獨龐公開鳳凰巢千仞一舉出九垓
翱翔覽德下千年能幾來抃時不易得况復管樂才
毅然好賢心無為古所咍

和紫山題觀音堂山石詩韵 彦良馬君索賦

我行洛水陽思有登臨舉佳處得一遊不計寒與暑
盛聞臨水間猶是鄴西圃山滋與水潤不識田家苦
陰壑悶靈景石林氣清楚又云龍洞水清可濯纓土
我無遠俗韵樂與泉石伍此行應旌招敢覲煙霄侶
開雲本無心安取濟時雨紫山知幾人夢覺邯鄲黍
題詩見歸隱真隱果能否作配不自量賡此山石語

張鵬飛治虎骨為鏡插作詩以贈

張侯骨鯁士志節何闇英發見早歲智效今埋輪
赤手搏於菟脫略狐狸群今復切其骨整此烏角中
持贈壯我氣能復冠惠文吾老無所用胡為走跋
忝落麟鳳網或可解糾焚一薦不可負上有

文思君倘遂寸補去所得亦已殷要當簪此插醉看
西山雲

淵明漉酒圖 為表弟韓雲卿賦

晉人尚放曠不受羈與束虛高失之傲降志到自辱
淵明性真率順適無矯態清風凜一時千古仰高躅
得錢送酒家况我新釀熟渴來夢吞江奚計巾一幅
有槽不待壓露頂手自漉清濁即聖賢併欲貯吾腹
悠然對南山夕鳥送以日還我浩天世運任伸縮
冷然風度林澹若雲在谷俯仰霄壤間出處一往復
過此設有論正為蛇畫足宛轉出新意便可激流俗
不思皇上人方寸許撐觸欲求先生心用意不當曲
縱使欲自况此老烏可躓吾言誠漫與得酒且兀

有懷雪菴禪師

雪菴圓通士我非方外人每來扣禪扉坐暖蒲團春
有時論書翰兩耳聞未聞自笑以技進斲輪非郢斤
吾學師所知師傳吾所珍擅書三十年臨池墨滄淪
手提八陣法論入三昧神功多懸誠駭勁擢平原筋
蹴踏龍巖癡髻髻黃山真何心山陰鵝不計羊欣裙
興來追醉素堂：張其軍驚蛇雜走虺入草猶龍奔
縱橫與押闔真積力可臻具眼世所難雪菴洞無垠
道存見日擊駿隼知見薰孔竅洒有開滌我胸中塵
十年風馬牛茅塞未易耘去冬喜北來將謂晤語頻
遠遊久未歸此抱將何伸懷人叙游藝愧乏昌黎文
何時大行道梯空下秋雲

李庭珪墨

墨龍奮晚唐五李相繼出林：歛溪松黑入太陰窟
老奚縮天機萬竈出元笏松身玉質堅走研風肅：
神爽漆點光湛：童子目二者既得兼高名宜擅獨
妙劑秘千古何有遇與谷埋馨六經筭漏網龍在陸
橫罹相國阨復值永寧酷殆及宣和間千金購無復
郁：蒙城田文獻世相屬香林秀孫支善繼踐芳躅
傳家無長物寶此一寸玉客居大於斗豐潤節華屋
阮生幾緗屐舜樂一夔足公餘日摩挲寧使食無肉
古人不復作精絕見此物傾囊任借觀不許一磨倏
田即固沒僻清賞儘不俗書生臭味同往：溺所欲
吾家眉子歛隱：脩娥綠客來恣濯玩亦弗容少黷

墨不知研良硯不沾墨馥譬猶藏書人終歲不一讀
挿架徒好觀新若手未觸相看兩癡絕一笑為捧腹

贈承旨唐壽卿

論士須詩實相馬先其神周秦何貴賤變化存吾身
唐侯金閨彥動有鸞鳳馴：瀚海翮上拂明月輪
憶初識君面轉盼二十春竭來客京師君為玉堂臣
時於管中窺班：見其文高遠四十詩便與作者隣
青紅桃李場天葩散奇芬有德諒有言君侯性閎
是愛發策際不迫意獨臻理明中事機士氣借以盪
重念朋友交敬毅多不倫或者一顰笑意在交相因
令人氣最短標置分畦畛愛君略城府吐詞爛天真
不作崖異舉不學游說秦信厚等麟趾為人解絲棼

所以多士間堂：張吾軍蹇予自結髮汎愛而親仁
當其立事歲亦復求蠖伸長風萬里浪躡躑無縱鱗
今雖老伏櫪尚友心猶振都城交游海因依幾當親
如君辱識久辨與陪翔麟人事有乖合對面如離群
徒從樽俎間一笑傾冠巾只今友道衰耐久將何人
相馬論其力取友非所尊天機到沒滅君今九方歎
心期既有在形迹不必云因題樂山詠聊書代吾懃

成德堂詩卷

蹇予客京師詩卷日友至此風近日長珍饌互相餌
張君構新堂乃以成德示再拜來懇予一言願明志
成德以德成何翅餘愷悌德者得於中行已見于外
是乃君子稱實為聖賢事一時扁之者無乃躡等第

大朴自六鑿衰俗日零替剽竊糟粕餘色取仁為利
遽然以茲名豈速蒲盧意我開入德門試說第一義
厥脩貴有初主敬聖不易致先此念優入匪難致
收功心日休不匱將錫類會見堂中人事業稱不器

題趙文卿嘉山詩卷

徐公序嘉山眾美掠已竟復徵諸公作落筆先漫應
我雖乏新意不為蛇足賸文卿慷慨士意氣掩趙孟
識君二十年每對豁滯興談喙傾底裏議論老能正
以儒乃鑿名以鑿實儒行誰為幽并豪虎變伏延炳
先賢去世遠一氣猶包凝蒼々嘉嶺山玉立想照映
士會悚秦策宣尼善衛磬我常登汾睢西眺河山勝
延安東北秦得士敢小鄭彼嘉宜降神英物復趙孕

儒鑿有顯道孝愛發天性惟其嗇世用裔遠有餘慶
會生甫與申駟牡擁高乘我詩匪諛辭探賸神理證
有子教讀書服此恒起敬

東征詩

東藩擅良隅地曠物滿盈漫川計畜獸蕩海驅群鱷
盛極理必衰彼狡何所懲養虺得返噬其能遁天刑
遠接強弩末近誅乳臭嬰一朝投袂起擅裘擁矛矜
天意蓋有在聚而勦其萌莽蜂有螫毒

大駕須徂征寅年夏五月海甸觀其兵憑軾望兩際
其勢非不勦橫空雲作陣裹抱如長城囂紛任使前
萬矢飛挽捨我師靜而俟銜枚聽鞀聲夜半機石發
萬火隨雷轟少頃短兵接天地為震驚前徒即倒戈清

敗如山崩臣牢最憤敵奮擊不留行卯烏嗚都問天
日為晝冥僵尸四十里流血原野腥長驅抵牙帳巢
穴已自傾彼狡不自縛鼠竄逃餘生太傅方窮追遠
與叛卒迎選鋒不信宿逆頸縻長纓死棄木鬻河其
妻同一汎彼狡何所惜重念先王貞擇彼順祝者其
歸順吾氓萬落脅罔治無畏來爾寧
王師固無敵况復多笑并
君王自神武豈惟廟社靈三年西東山殪戎營柳
清都人望翠華洗兵雨何零長歌入漢關喜氣鬱
西京小臣太史屬頌德職所承雖非平淮雅動盪耳
目精赫：桓撥烈仰之如日星泚筆為紀述發越
吾皇英召穆美常武且莫誇雷霆

覓風字歛硯詩贈侍其府尹

硯本發墨具不爾安用他碧紫暈鸚眼黝黑深宮鴉
彼端類高人風姿固云佳遠韻不少吝清談浩無涯
但於當機時未免思勢擊若或砥礪用茫然手空叉
硬則墨為褪軟則磨泥沙惟歛土之傑體性何交加
羅紋與刷絲一寸皆可嘉回視端溪公有名實則差
新安山水窟澤大生龍蛇舉世被其利何有蛭與鼃
山高溪水清其芒例如礫嘗聞右軍硯風字琢手奢
是名為水箕朶頤駭哈呀松煤燼無餘惟恐中書了
池寬水瀾漫挹彼如尊法陂陀浸半海揮洒生雲霞
平生未嘗有夢寐江之涯君今去為邦過此空成嗟
包公尹端州歸不一硯擊巖肝類安邑一笑春生華

書生乞索態殆是心貪邪。彌衡溺所愛竟糝漁陽槓。今冬與來春會有泛斗槎。雄雉或雌縵分送張華家。

十月牡丹

彰德路監郡完閭嘉議治甚有聲。壬辰秋辭職讓其叔也。里不花中順是歲冬十月新侯府第發牡丹二本。明年秋計吏伯耕香林先生孫不遠千里來求詩於翰林諸公。因首為賦此。

玄冥氣折膠。草木餘萎悴。鄴城梁土郊。盡載清香地。誰留翠被暖。小試丹砂藝。一枝鶴翎紅。照映朝袍貴。散彩冰雪中。造物有深意。正緣二侯賢。撫字見早歲。藹然禮讓餘。涵蓄坤靈秘。歐九譜花神。百種第佳麗。

洛花固芳妍。根盛氣或異。春華復冬榮。彼祥瑞可記。無乃後來者。踵治更和惠。雖云有淺深。錫類由不匱。奚煩鑿傍州。一段中和氣。慙慙將二美。千里偕計吏。遍求翰林詩。擬薦金盤瑞。我欲論五行。推測涉茫昧。浩：一氣中。事或有關係。重榮說紫荊。偏反詠唐棣。佳花元致祥。惡草終可畏。未若中庸篇。繼述皆自致。栽者即封培。傾者隨覆墜。由來衰盛間。為善不中廢。曰善即胡為。不出讓與悌。神明與扶持。聲譽日四至。君能馴是理。獲利餘百倍。何翅天香臺。卿雲搗四季。

送范葯莊子楚教授嘉興

范君號葯莊。杖履屢來謁。坐間話行藏。曾是憲幕客。投我詩一編。細嚼讀恐徹。詩從晚唐來。高風日凌折。

君才何清峻，略不見萎蕤。渾涵中州氣，佳處每擊節。
朝來又相過，喜色浮兩頰。廼云子楚革，得調官兩浙。
南歸行有日，一舸赴吳越。懇子送行詩，我畏為渠說。
路教然冷官，但緩係實切。化源開兩庠，彼秀富才傑。
朝家急得賢，訓勉宜屑。一門在清流，聲譽儘昭晰。
君雖客京師，破帽幾風雪。兩椽省東墻，一片江南月。
羈紲思不無，相視為一豁。君歸稍如意，晝日抵三接。
何俟老大詩，長路絢行色。

贈大同利彥祥名翥西域人

金天一氣晶，以理乃為義。兼包體用言，蘊蓄和與利。
弘居大同東，去都為近地。風塵雜四方，豪貴猶大魏。
聖賢貴有教，初不限氣類。彥祥孕金晶，用雅變華裔。

歛衽昨過門，偉矣髯卿麗。開設一老生，略不見本氣。
諒知六合表，固多瑚璉器。示予野齋辭，把玩愛不置。
丹青寫虛影，經史含至味。舍此或與彼，恐墮為善志。
同將與進心，更擴讀書意。周邵兩邠產，文獻垂萬世。
由余出西戎，斯也以賢議。吾賢即能賢，此論古不易。
守之有餘師，何俟吾言贅。

贈筆工張進中字子正

書藝與筆工，兩者趣各異。工多不解書，不究筆製。
二事互相能，萬類率如志。進中本燕產，茹筆鍾樓市。
雖出劉遠徒，妙有宣城致。我藏一巨帙，用久等篋弊。
授之使改作，切屬鋒健銳。疏治近月餘，去索稱不易。
先生莫促迫，致思容子細。中書不中書，安用從新繫。

竭來歎見授入手知利器文房三貴人刮目喜相視
正緣兩資藉辦此揮洒技吾雖兀不銛甘分置散地
馳騁翰墨場又匪老人事不辭束縛坐但愧簡拔意
子正來索詩一笑吐吾喙東老豪穎辭遂擬俳為戲
送張幼度倅冠州

前年走京師泰與北海薦白首官詞林意若遂少願
雖非玉堂人幸接金閨彥供奉得張子為人良可羨
豈惟文字間辭理見兼善言行兩無擇容度并回轉
溫純韞積玉樂易不崖岸何心與物忤有問即冰渙
宛如鸞鳳姿肯作麒麟楨相看二載餘謹若初覲面
竭來過門別新除得倅冠坐久兩不懌去住相慰浣
我心愛莫留官屬亦深戀其如行止何物情復多變

鑿坡禮文窟一任儘清宦古人責任運况去有三便
家近得侍親州孤無劇辦請益願一言偏倚時操鍊
我忻聞其說解事語不漫常思歐九說可為後來贊
擣文止潤身及物自貞幹休辭米鹽碎莫厭衙起晏
不見忠獻韓鼎銓出推判行俟官有程民事不可緩

遊媯川水谷太玄道宮

迎謁次媯野將為旦夕間尚餘百里遠却得三日閒
追陪玉堂翁清游指仙山窮秋草木盡諸峰慘無顏
兩崖蓄餘暖崑樹如春妍洞口疑有光望中已欣然
始至覺夷曠稍深更幽寬山英喜客來夜雨濯翠鬢
層巒與疊嶽供我拄笏看雲封石上鉢
初大道鄜五祖者遊難此山衆
追及棄衣鉢石上而匿其物重衆莫能舉
異焉遂請主其教今道院蓋鄜所創也
玉漱山腰泉灌溉

滋樹藝一脈窮灣環西臺頗峻絕兩折躋其巔詩翁
見精健登頓不作難磴礧凜莫留松風吹袂寒降阿
集晴疏高設漱孤攀山荒苦無稱似待新詩傳諸君
垂索來相載風煙還因公得勝賞此詩其可緩但恐
雲霞舉暮景去猶慳我非桓野王今識東山安

題筠菊亭

有客昨過門挾卷携酒壺我老厭人事汝謁將奚圖
自云有老親倦游樂閑居終年築亭圃筠菊心所娛
二者諒微物一日不可無餐菊制頽齡種竹來鷓雛
牀頭幾葉書隨意日卷舒欣然有所得擊鮮忘朝晡
脫畧少年事呼鷹走韓獪治生不求富教子供讀書
近隨計吏來一命沾堂除南歸不徒手豈計巴與渝

眼中倚門親慰浣當何如瞻烏噪乾鵲過戶懸蟪蛄
竹色動虛牖秋香滿庭隅計量到家釀小槽滴珍珠
江山漢陰國耆舊稱名都從今王氏亭而與吾孟俱
題為五字詩相載樂有餘路教為再拜歸當榜吾廬
陪張右相祭奠司徒忠懿公墓元貞元年歲己未夏四月九日
王城西北郊有山曰盧師崗遠見蟠互野曠欣平夷
我當以事來旋軫思遲遲匪緣蛇虺靈不羨風煙奇
有懷

德育公攀附隨

潛飛一朝際風雲振耀生光輝我初拜英表富貴非
公誰內馬幽國助上馬
兩宮知孰云恩澤侯以德中自持近侍足恭謹接物

餘謙撫由家化而國在理乃所宜及夫司徒公衍慶
尤熙、再世保傳功大書見豐碑

神龍襲九淵奮起須鱗鬣伊公漢大橫度庚隱天機
歷教既有在大器將安歸

君王自神武監撫非細微寶章猶傳璽啟沃貴知幾
堂、忠愛心畫此廟社規其報宜伊何子孫保無期

倏歎三十載山丘兩魏、生死固常事盛衰有足疑
昌黎銘殿監所以含餘悽我老自多感黃鳥聲正悲

駐車不忍去日下山煙霏

書日者卷後

稔聞日者名不識詹尹面共云推未來符驗如契券
因之求題詠有學難自銜郭生序已詳奚待余眷

雖非青囊翁嘗讀季主傳為憐長沙傳三策勤漢殿
及夫行藏間而抱不遇怨絳灌夫何為藝能上自羨
弗思前席夜有舌不少燕况彼偃、徒能不逐利轉
正直神所與言行士之觀悔尤兩克寡祿秩中自辨
宣尼敬亨衢天理不吾謾山人有來問此語告無緩
庶剗萬有心一聽三聖斷

題張氏先塋記後

禹城張氏先起跡自農伍力田與孝悌內助半賢姥
夫婦人倫常松竹表寒苦柔姿不易立流離復囍阻隻
影携孤兒避地韓城隲飢寒兒不知採拾治絲綸訓
育至成人衣食能自取去着仙人衣春風三十許若
將終其身一室老環堵天其表媪慈再世沾煦媿蔚蔚

為庶門清在野不多覩南薰吹棘天衣冠見楚子
然九齡迪信厚稱幹蠱或欲以節聞顧視為告語近
名道家忌此事莫子吐夫家已不幸在我分當處里
南築幽栖竹木映庭圃還我浩天香火湛靈府晨
昏省定際迪也禮容與一朝委蛻去神光照東土我
紬石室書逸事須世補

國初迄元貞節義幾人數豪族易昭晰里俗多草腐
况保晚節難往變所素猗欵望亭君雅志遂初舉
凜百年間毫髮不少沮竟續所天家時祀苾苾俎
豈唯勵哀俗清風激千古裁文為歌詩流詠遍齊魯

送張勝非任汝寧府判

汝流漾玉虹望入東南楚雲連懸弧城形勢見今古

有鄉以龍名旦評擅諸許山川氣不易舊蔡變新汝
名芳土亦馨理在物爭覩張生太史屬三載戰文圃
開朗中有為一變至於魯朝來得新除破甕起欲舞
踵門來告別一言求小補試將吾已行聊用勉君舉
吾年四十餘彈冠判晉府通宵思闕遺未明聽衙鼓
上馬事官長下馬恤民苦簿書雜米鹽塵土與相伍
抗容不少倦公散日常午任責在人先見得思義取
爭輸公堂益不惜寸心吐堂五十城利病繫區處
心平知所宰有衆孰敢侮御史至東濕未省聽渠主
最憐絳陽獄五歲閉幽圜一朝得其情久旱霈尺雨
當時官府清至今傳好語俾來一宴過蓄縮畏於鼠
正緣中省嚴經制得其所後來府無人所事盡乖忤

官察自茲壞政荒歲飢阻每用誠平生父服絜其矩
皇家重師帥爵祿不輕與汝往本寧尔未用厭勞拊
聲華月旦評粲珠還浦補缺公與卿去力當努
壯心橫落日高歌當梁甫

壯士吟題却奉使所書手卷

使節駐淮海人望兩好熙宋人足變詐觀望占成虧
不知破武事中伏混一機壯士死則已不死將有為
宋琚凜風槩天馬不受羈拘隔一館間激之見連雞
事久變乃生勢去心恫疑奄十六年憔悴甘湘繫
內閣既首鼠外侮宜紛披盛氣屈使降壯心終不移
睨柱欲碎首忍見王人微松嚴操愈厲草綠秋更萋
蕭爽隱霧豹脫略觸藩羝老賊主一殺幽憤將何施

庭芝一援手所惜良不貲兵交使其間天理或可期
子卿才屬國所報亦以果至今卽山塚突兀空蟠螭
兩行清汝帖只有老天知

送徐平叔還廣平因次其韻

全趙古多士袿服見吾琛我生自有命其肯枉尺尋
結交半豪右翔集依雲林當年平津閣箕冠明月簪
乘時頗展翼天高氣橫參設詩似高適走翰驚陳琳
忽騎將軍馬縛賊虎穴深嚮來三數公朱絃得遺音
長劔一樽酒洒落開雄襟自笑我何有踵門來載臨
袖携長沙書囊乏魯連金白髮老親健晚境毛義駸
時清渴明略友義多同衾躬耕食不足從仕力儘任
秋風吹易水游子動歸吟深藏會有待莫負平時心

題焦節婦卷後

焦氏有賢女，姿稟與眾殊。既笄樂貧素，出嫁南征夫。
一朝聞卧病，尋訪邊之隅。怙恃力眷挽，在妾夫何如。
竟能遂初志，扶喪歸里閭。朝昏事蚕織，恭侍舅與姑。
百年終孝養，葬祭何勤劬。拊畜兩孤幼，嫁娶禮與俱。
孫門固哀謝，賴一貞節扶。夫婦人倫始，因之變時污。
一端青藪信，至死誓不渝。采詩論國風，彤管宜沾濡。
誰謂閭閻間，凜此風烈嫗。猗：谷蘭馨落，青松孤
豈惟表門闕，抑備太史書。達鄉昧平生，容齋文可娛。
美節冠東州，亦用播友于。清風振孤標，讀者宜嘻戲。
送許澹齋提舉隆興學校

我初入玉堂，喜識浚齋面。忠翁兩朝士，極口為稱羨。

子遠東嘉人，文綵金百煉。妙年登巍科，巧宦歷幾遍。
風儀聳四筵，日光雙炯電。前年來京師，得遂依劉願。
校書天祿閣，音吐見雄辨。長河瀉建瓴，洒：江左傳。
三釜固祿微，一官爭鷄薦。行李日羈栖，猶是多士冠。
今來得美除，提舉江西序。在吳列朝行，客燕領詞翰。
洪都儘經學，文藝業多擅。好將鑄顏手，主善志無倦。
習俗與命脉，風雅為一變。江煙送行舟，瀟洒離亭餞。
清吟代驪歌，別思空春戀。依：鄉國情去逐，南飛鴈。
我老歸未得，松菊夢秋澗。衣冠拱清朝，繫馬珠會弁。
自慚老無能，零落秋風扇。君行重感慨，匪勉磨鏡硯。
長江控高閣，百丈驚井幹。梅花散春妍，蒼煙開禹甸。
江山有清眺，風月興不淺。南昌地卑濕，眾流爭湊衍。

去年水為災孤城江四轉兒童化魚鱉萬竈產龜鼈
慨然為開陳此事豈小便一鍾濬東湖澄江靜如練
沒齋素有為肯遣空懷卷

觀臺鄉劉氏瑞蓮

遙、觀臺鄉近接魏西圃風來紫陌香臺傾金鳳去
繁華一夕空風物猶可據劉君號素侯林野敞亭宇
貯藏物外春中有百花臨池開一泓多雲錦漲秋渚
亭、玉井花十丈冰絲吐一茹十三蕩香發迺如許
輝映天泉淵飄洒橫塘雨風流似六郎濔艷疑靜女
高情太極翁愛玩吐奇語根植污泥中香韻儘容與
褰帷對佳麗凌波看微步煙霏動簾櫳漢女出歌舞
當其爛熳時固已表震舉豈惟見家祥分秀孕先母

重臺與雙頭連莖同合封章稱嘉祥夸者徒媚嫵
由來草木蕃造物不予侮氣和物自盛事異未之覩
百年需遺澤宅相煥圖譜君家邨郵望馬服迺鼻祖
諸郎藉餘慶雋拔一何楚起家漢賢良接踵泛渠府
一門集清芬婢娟富簪組為君續夷堅作詩刻石鼓
滄陽有石鼓山

蒲城行

効韋蘇州體示
異姓弟喬百順

蒲城今樂郊兩翁處東西相別二十年顏鬢颯以淒
加食似平時捨杖矜健移置酒前拜壽喜定垂涕淚
擁膝侍終日念不共提携幸有聶與喬治生事鋤犁
云誰知異姓一作孝養日攷、雖達心獲安慰我悠、
思官書促前去望入雲林低

黑山秋霽

我度居庸關，天峽四十里。巉巖積鍊色，兩勢蒼壁倚。
何由剝疊巘，一撮峙燕几。長令幼輿心，喜溢秋壑底。
榻來遊京師，訪友棠陰里。入室得茲山，欣躍倒雙履。
携歸坐卧觀，論列忘兩紀。黑山凜冰尖，玉色何粹美。
連峯卑高陳，夾嶂蹊逶迤。遠勢走脩坂，秋骨濯清泚。
絕巔蒼窮盤，哀壑太妃祀。竒狀出天然，棄墨妄模擬。
又如草間虎，怒伏驚獵筭。昂頭入四顧，徐起妥蒼尾。
書生眼孔曠，百見心未已。不為此儻顏，照映橫玉壘。
烘香作怪供，揚解問山鬼。不知天壤間，剌剌此能幾。
魁岸狀木假，甲乙弟胡玘。達人有大觀，太華拳石比。
曾為物外誘，沾沾抱徒喜。屹立萬物表，景行世仰止。

詩成贈山主，我豈鬱林齒。巖栖未有期，對此聊尔耳。
大開致爽軒，柱笏約吾子。

秋澗先生大全文集卷第五

甲戌三月十七日坐兩校是日立夏

秋澗先生大全文集卷第六

七言古詩

舒辟劔歌 為太常公弘衛賦

龍泉之精老蛟血躍入洪壚凝夜雪至今元氣老不
死祭、碧華浮兩脅雀環金錯赤絲條蒼水夜擲天
為高或云徑度海西陲佩非其人有所歸夜飛入燕
人不識天以神兵示中國宋侯磊落書中傑碧眼風
瑚物情格窮幽抵祕竟圖經羽窟崑崙騰口說黃金
臺下喜相逢醉眼高歌得玉龍摩挲神物萬金重箕
冠傾倒琉璃鍾蹇子元年無市客走馬來觀嘆奇絕
雪屋燈青寶匣開紫氣橫衝箕尾滅憇風凜、入座
寒山鬼吹燈中夜泣當年天矯龍性在入手無方恣

舒辟金精固列五材首堅質柔資苦差別彼人之性
而與國太柔失威剛則折咄嗟此劍陰陽全雄雉雌
縵俱赫然君不聞淮陰未遇賤且貧愛而服之良有
固無何大遭跨下辱亦如此劍能屈伸一朝攀附赤
龍飛六合風雲入指揮漢家日月四百載亦從此劍
騰光輝宋侯篤我卓所立一日三者會不惜我今作
詩私自激重為歌之感疇昔多君振厲義且誠羨君
小試妖氛清三年盜弄潢池兵亞夫持節東南征此
時宋侯佐戎車一揮逆傳生白鬚縵纓短衣非我事
談笑自有聊城書斬鯉歸來茅屋底拂拭海西心自
喜不須夜半舞荒鷄得君亂絲為君理况君天富席
上珍骨蟠萬卷餘經綸

天王未入非熊夢此劍應須檢子身

飛豹行

中統二年冬十有一月

大駕北狩

時在魚
兜泊

詔平章塔察公以虎符發兵于燕既集取
道居庸合圍於湯山之東遂飛豹取獸獲
焉時予以事東走幕府駐馬顧盼亦有一
嚼之快固作此歌以見從獸無厭之樂也

予時為左
司都事

二年幽陵閱丘中甲

詔遣謀臣連夜發春蒐秋獮是尋常况復軍容從獵
法一聲畫鼓肅霜威千騎平崗捲晴雪長圍漸合湯

山東兩翼閃：牙旗紅，飛鴈走，犬漢人事，以豹取獸，
何其雄馬蹄蹴麋歟，左與赤絛撤，鏃驚龍騰，錦雲一
縱，飛塵起，三軍耳後，秋風生，豹雖逸，才不自惜，雨血
風毛，摧大敵，風煙慘淡，晚歸來思。
君更上單于臺，血埋萬甲，戰方斃，瓜牙正藉，方剛才
古人以鹿喻天下，得失中間，係真假，元戎茲獵，似開
先我作車攻，補周雅，大笑南朝，曹景宗誇獵，空驚弦
霹靂，何曾夢見北方，強竟墮，閉車甘偃息，楊鞭回首
漢家營，一點槍纓，野煙碧。

匹紙歌 謝王道子寧

楚山脩竹森如玉，千杵鳴礮響空谷，溪翁闢巧紙愈
佳，淶泛秋江連百幅，春斂籠燠素練輕，鳳梭停織天

孫顰聲光一日天下白，萬古作配中書君，道人來自
蒼陵天名品，閱盡東吳船，惠然贈我以此紙，入手展
放銀河翻，脂凝玉瑩絕，纖滓風流綽約，藐似姑射之
真仙，扶餘綿壘固堅臍，中有雲影霽，霽浮秋瀾，金華
五色非不佳，不放墨松使者光，通玄何如此，君貴重
百金比，當與澄心玉屑並，驅爭後先，媿無少陵詩，魯
公筆如椽，揮毫一掃空，雲煙文章元氣古，無間玉堂
人物今，翩：此而不贈，返惠我夜光，暗投真可憐，道
人一笑春生頰，琢賢雖肝爾，心折千首新詩，意未窮
分取煙江愁，萬疊我今靈臺久，荒穢老樹秋，蕪餘廢
堙，何時除治若此紙，一片冰壺貯秋月，深藏且須珍
惜之，准備虛堂夜生白。

金馬門行 贈董參謀彥才之元帥府

十年金馬門中客，萬里風雲橫上策。貂蟬要自出兜
鍔，擊舟渡江、水窄新豐樹色繞千霄。一片丹心懸
魏闕，洞庭白波木葉下，千騎臨江思飲馬。堂、大帥
晉龍驤，聲振南陸無呂賈。止則如山戰則克，更着君
侯叅幕畫淮陰，何止一軍驚滿眼。旌麾動秋色，萬竈
連營楚戍烟。一樽回首銅駝陌，功名年少貴力取行
與諸兄垂竹帛，蹇子久事筆硯間。天東倦客未能還，
夢回破屋見星斗，商聲夜半歌南山。虛名不到麟閣
上，白日能飢首。荷槃何如乘此長風去，濁浪吹破東
南天。

相從行 贈宋兄弘道

宋君茂異誰其儔，事業當向前人求。群書磊落載其
腹，人道聰明似鄴侯。黃陂千頃不足泳，入海簸弄龍
驤舟。十年霧豹棲巖幽，每恨南海北海風。馬牛碧雲
望，斷西山。取愛而不見，心為憂。向來文彩珊瑚鉤，寧
胡一曲不自休。公嘗作寧胡關壯懷似欲寫孤憤筆
力倒挽西江蚪，古今樂府非不優。例以哀怨更相酬，
蛾眉命薄黃金貴，青塚雲凝紫塞秋。多君變體不師
古，一掃萬古琵琶愁。我所得之三過讀，如入武庫森
戈矛。乃知鳳凰在岐世，自瑞春風百鳥空。啁啾乾坤
吾道方悠々，天公界子鳴中州。喚回海嶽三生夢，獨
倚元龍百尺樓。今年冠劍平津閣，積憂一見心為瘳。
識君恨晚愧同志，正以羔羊之鞞緣飾青貂裘。古今

為諱分清流不用倒翻鸚鵡洲。期君有道興東周不
然君為龍我亦同雲浮。自茲攀逐不相失四方上下
從之游。
南風謠送董端卿之鄧州軍幕
南風不競兵塵塵兩淮春燕趨林巢。驚吹入海氣森
吾皇明見萬里外欲以德服兵無勞。已聞灌莽極目
地萬屯春事開林皋紫髯將軍賢且豪智略往往超
龍龍一軍壁楚號勁利眼中勅敵無劉曹。今年分閫
鎮鄧鄙旌旗改色天為高芙蓉幕府固多士更以厚
禮羅英髦君侯漢庭選經濟夔與咎。婉畫乃餘事白
羽風蕭騷年雖哀樂境兩鬢無霜毛。如君名宦不可
逃繡花未滿千金刀鸞鳳忽爾辭蓬蒿。此行莫起觸

熱嘆將軍好士心。切得君豈止解鬱陶投竿如掣
東溟鰲飛戩走翰鈴閣。庭駁欲逼令家絢秋風鼓
角驚江濤軍中氣和投楚醪。兵家耕戰諒有待雲雷
隱伏池中蛟一杯漢水春蒲萄。楚人雖猛輕秋毫知
君談笑辨此事長江聽渡龍驤艘。長江聽渡龍驤艘

長劍行為王子初賦

老蟾破雲光走庭清風西來散餘醒。斗閒紫氣望不
見太白睽燥無光晶燈前忽值蒼水使示我寶劍喜
且驚芙蓉匣開吐竒怪。分光盡萃此劍之精英蒼虬
翻風白日動秋水背露龜鱗青昔之所愛今乃過覺
我烟雙瞳明青衫試拂拭。硯磊難自平生疾惡
賜為爾芒角生我聞乾剗甲五材鍛成玉龍復以首

利庶物稱佩非其人尚不可况乃用之高庫而無經
君不見趙文失所好日夜走擾曼胡纓朱雲妄其請
折檻反取訕訐名劍之於人無造莫用之得術如雷
霆又不見周公管蔡舉謗息四國寧聖師兩觀誅正
大貫日星遂令千載下妖腰亂領寒於冰引杯感古
我自惜儒冠突鬢嗟無成之子風雲士慕蘭如長卿
飄、四方志早以文章鳴君與劍無久蟠決雲會者
昇青天黃金錯環蒼玉佩攬環結佩
天王前慙慙祝子無多言不誅已然誅未然

雜言喻為彥政失子作

堂上慈親頭白絲慰心賴有寧馨兒
嶮：頭角日方露誰揮如意擊碎珊瑚枝
不知與奪果何主變滅倏

歟無旬時驪龍失領珠海窟黯慘鬚眉垂老崔憶別
雛淚眼叫斷秋天低彼蒼塊地於我本無有何事誕
說立象為鑪錘陽春艷：木自榮非春一：點化青
紅委秋風瀟條群木脫物感秋氣彫悴又匪行陰機
乃知生死天地間花開花落殆似東風吹蜂房魚腹
得至理子夏失眠傷天彝西家因果蠱流俗東家聞
之為朶頤蕃延疎薄無定分慰懷當取昌黎辭父子
自天性東野能不悲君年正昂盛情鍾感非宜况夫
先子澤渾水清而漪吾友賢且孝舉案加有梁鴻妻
捧檄為親屈晨昏歸來侍庭闈我聞善積有餘慶他
日當有螽斯詩

湧金遊 并序

予回轡共山有客過而問曰湧金之遊樂
乎曰樂矣不無詩乎曰無有也客曰事樂
會之於心樂寓之於口且蘭亭之勝至
今尚為美談者其以有託於斯文也客退
於是乎書長短句以歌時孟夏十四日也
曉雲拂山氣昏坐來萬壑烘朝暎丹崖翠壁畫莫
出但覺詩境供愁新地靈祠古秘幽怪天授神柄專
其尊年蕭鼓祠下路東風十里楊花春我來愛此
山水窟天氣看物清而溫湧金亭上一礚礚主人留
髡醉金罇水邊滉漾多麗人往來但看珠翠裙不知
仙家足奇貨明珠脫串一浮出摩尼真波間可玩
不可擬雲錦翻動玻璃盆書生潤身那羨此席上正

有吾家珍舉杯酌水但默禱山靈垂意哀王孫願分
秀色貯詩腹一洗萬斛胃中塵仙官有請固不拒山
鬼竊笑君無固不然結茅傍脩竹雲烟占斷西湖曲
月明舒嘯碧山巔喚起公和跨黃鵠

秦川行送張孝先

北燕豪俠南州客去歲辭家今八月霜風偃薄一貂
裘不為無金少顏色平生弓劍只餘事滄海風雲居
上策今年棄繻復入關春光澹沲迎征鞍周侯磊落
天下士橐鞬賴子為周旋我知黃鵠志千里此舉橫
絕青雲端長安西望白日近解鞍多在清明前新豐
酒斗十千長樂坡頭楊柳煙曲江花滿樹春風怨啼
鶻對時感慨能不動鄉思丈夫有淚肯洒離別間驂

留得路足神駿我非統朝愧乏黃金鞭君不見古人
勲業貴少壯莫待拊髀悲流年

東方碑帖歌 謝子初

魯公筆法天下雄東方一贊其猶龍嗟子愛之力莫
致夢魂幾到平原東我雖不解書慕此忠義風有唐
天寶初禍首營州奴羣兇一朝起氛侵連神都廿四
名郡風靡隨盜區堂：顏使君狗國思捐軀竟以七
千衆不為胡塵汚乃知大節初不以藝自殊習中義
氣蟠不盡往：翰墨據其餘况茲游藝君子責古人
以字為心畫先生不知作何狀觀此寶墨事可測書
學到君稱絕筆凜：英名貫星日晉漢名書九幾家
奄：為君皆敗北宜乎眉山公謂此能事畢出於右

軍擴以大比並離堆當第一秦氏龍蟠古井波將軍
虎卧南山石又如大人垂紳正笏廊廟上忠厚之氣
了弗事緣飾嗟此至神物每為好事得君家父子賢
向歌只今好古喧詞林幾年秘此分賜我拜嘉不翅
千黃金君心若此真尚友我報愧無瓊與玖歌成大
笑不自量擬與君名傳不朽

墨竹歌 為共嵩處士石盞公作

吾生愛竹兼嗜石手不能書漫成癖憶從林下七賢
游終日摩挲弄寒碧山河一自隔黃壚塵土填淤百
憂集得君此畫忽洒然元氣淋漓障猶濕滿空月露
下寒梢人去山陰鎖幽寂又如湘妃廟前風雨晴翠
袖紛披山鬼泣幾竿迸出太古崖老節雪欺初不惜

表將一片歲寒心。不與繁華競朝夕。東欄牡丹鶴翎紅。西沼芙蓉紺珠色。歌鍾傾國樂芳年。以色事人能幾日。何如鴨江居士詩。骨清而矐手種此。君忘肉食不須桂杖敲人門。萬斛清風破窓此。月中看竹掃秋影。妙得於心發之筆。興來落紙出意表。擬學湖州滅形迹。嗚呼湖州已矣。蕭郎遠今代。名家淡游客。君不見李杜文章萬丈光。一日齊名偉高適。

乞鴈歌

呂東平江海客。一鴈盤秋鷺空。百老來機械淡相忘。雙鴈隨行聲格。階除得食藏頭眠。惱不及鄰甘乳。聒兩堆晴雪春不消。莫映書窓生夜白。終朝司警代黃耳。夢破烟江秋拍。主人對之心愈閑。感念物情

終桎梏。家中又厭食蟻蟲。一夕籠歸山下澤。今春卵哺衆鷓息。百日已能過所出。青山滿眼映一群。泛浦眠沙白勝雲。稻梁栖晦秋正美。約我充庖潔口殮。能鳴見害古所惜。我心念之生憶仁。勸君深藏養子。解縛歸來養雪毛。右軍閒遠久無伴。許贈一隻相與遨。西溪秋水深幾篙。江天漠漠秋風高。歸飛不隔暮雲遠。放爾縱觀心亦滔。俯歌雙鴈行。仰送孤鴻杳。洞庭歸客渺無音。萬斛羈愁坐中老。節旄零落瘴海煙。冠蓋都門開昏曉。我欲因之附尺書。西北煙塵靜如埽。

夏夜晨起理髮時目疾新愈

居閑早眠復旦起。遶樹行吟殘月底。鄰鷄聲裏候東

方曉色雖分氣清美雙瞳自為苦所纏兩鬢鬢鬢思
旦理青絲髮散滿肩雲千梳未暇百梳勤餘邪細逐
老櫛散風露氣入秋蓬根疏通百竅勝新沐一洗耳
目清而嗽朝有蠅子莫有蚊事隨日出更紛紛侵晨
有此至良劑肯羨郊盤松醪春詩成因謝草堂客稽
康養生非妄論

衡門行送陳長卿

東

衡門栖遲樂吾樂甘着葦流譏東閣長河其奈不療
飢誰緞物情論厚薄前時行臺領漕計處士半為餬
口起長年巨鼠有餘壤比吾儕廢生理嗟哉陳君
何苦節天東游子天西客監河執去餘藥在客舍半
椽淇水側書生辛苦學干祿入手青衫得藜藿塵埃

風雨蹇驢瘦日就空倉自羈縛今年幸得解由了超
海挾山初不惡暮春之初日東作陳君叩門聲剝啄
向予長跪話遠行上計又須趨薊朔携書五車煮不
堪舉室舟行更瀟索前因未必是亨衢著脚如堪戒
前錯若於金粟例言拙誰着裝劉供調度逢時正有
利不利有命豈論賢不屑長歌西北酒一杯浮雲漸
遠天寥廓東曹若見王春官道我行藏事如昨幾年
奔走一墜甌蕙帳歸來慚怨鶴濟時幸有公等在擬
把一竿尋釣壑因君悟我向來非相送出門還一喙

大電行至元四年五月十九日也

雷師掠地西山麓北會豐隆出蒼峪崩雲掩落赤日
烏烈缺光騰燭龍日黑風駕海天外立萬騎先聲振

林谷雲濤怒捲惡雨來中雜冰丸幾十斛殺聲咆哮
屋碎尾百萬神兵自天下奮然橫擊合陣來昆陽之
戰何雄哉又如馬陵之道萬弩發矢下雨如無魏甲
斧形鷄卵見自昔異狀奇模此其匹野人庭戶變綃
館霧湧烟霾與龍敵又疑蛟人泉客泣相別淚洒珠
璣恣狼藉葉穿鳥死庭樹慘禾黍擊平驚赭赤神威
收斂俄寂然瀟瀟合浦還珠玳整冠變色立前廡但
見土窩萬杵一皆深圓五行有占非小變調元失
所誰之愆又聞夏冬愆伏之所致亦以坎治持化元
孔子修春秋二百四十二載間特書雨雹凡西次大
率貶黜臣下侵君權况今朱明壯陽月胡為縱此群
慝之所顛歷閔上訴九虎怒蟻虱小臣非所言獨憐

田家被留者寒耕熟耘手足成胝胼差科大命寄一
麥晒見熟療飢涎一新到口不得食哀哉何以卒
歲年

捕魚歌

塢西溪水深及篙漁戶曉集拖輕舫縱橫張網截兩
涘挺义遠混驚銀魴柳陰潛泔深且密大魚小魚爭
遁逃須臾合網環深碧薄摻提網從掇拾小魚骨墨
半死生口頰噉嚼無足惜就中一魚匪常林黃金作
鱗尾砂赤泳游本在孟津居波蕩江湖事行役中涂
遇厄夢不神騰躍舟中有時立魚即迴艇催歸急幾
處金盤待鮮食夕陽澹洲渚空回風瀟颯溪神泣
網罟設兮水不深役物而君戒貪得古人數罟不入

池以時漁捕須盈尺今人古道棄如泥竭澤焚丘意
方果野人有樂在濠梁澤畔行吟三嘆息

太行北走開四門川原落風煙屯仙山西峙如虎

踞石嶺東抱猶龍奔道林中蟠百餘畝顧揖殿寢何
雄尊仙翁得仙事惝恍碧霞洞主玄元孫百年朝元
去不還寶籙秘泄風雷燉陰靈訶護石壇古老雨留
漬蒼苔痕緬懷矯東瀛老變化能大天溟鯤謝公
本是濟時具誰使卧老東山墩豐碑不愧蔡邕筆再
拜遺像儼以溫我來夏交樹陰翳萬橘翠瑣芬蘭蓀
平生素有林壑癖苦厭圜圜埃霾昏每來福地愛瀟
爽跬步乃與仙九分山川景氣得人勝喜對羽客開

清樽夜深靜卧月東出林影布地翻瑤琨天風吹空
萬籟息明星當上手可捫恍然人境兩奇絕月露一
洗清心魂世間塵土幾千丈有夢不到瑤臺垠人生
幾何胡不樂例自跼東駒服轅惜哉清景不可駐一
聲啼鴉開林烟明朝人事隨日出坐看蟻穴蜂衙喧

鴈門公子行

鴈門山高幾千仞風土雄尊號全晉君侯年少出純
袴裘馬輕肥冠時雋古來豪傑數幽并柳子不須誇
晉問蹇予三年東魯客塵滿青衫鬢雙白書生無策
伴侯鯖尺蠖泥蟠甘退縮此時同君幕中游神手旁
觀者超越條籠脫落不受羈意表出奇人叵測健於
義鶻快一擊霜翮盤雲鷲空首愛君肝膽向人開遇

事剖柝无留材。世人荆棘塞靈府。米事掛眼生嫌猜。
丈夫所貴氣為主。行義不虧誠可取。區區心計來鹽
間。束縛真為把官虜。相斯心事李西平。錦鞬家世蜚
英聲。天其藉此作事業。未害蹉跎魯客卿。眼中人物
真知己。舉世論交多逐勢。贈君一片百年心意氣。相
傾岱如礪。羨君才氣真英耳。鬱鬱安能久於此。煙華
紫禁正縈繞。臺閣群卿半卿梓。明年焰燄動北方。騰
踏風雲乃吾子。

贈田生赴監河之召

田生操履凌高節。三載奔馳秦亂月。長年愈覺世事
艱。中道毀車思遠業。故人戀戀監河候。願分斗水相
為留。古人有志患不立。抱關擊柝非所羞。君不見黃

河三尺鯉。風濤終化禹門秋。

贈孟祝史德卿還燕城

孟侯落。明時佐從祀。歸來喜相過。探囊擲下珊瑚
鈎。海岳英靈驚甌墮。淋漓元氣星斗光。照徹龍淵得
竒貨。我初把翫三嘆息。不覺秋風吹屋破。太乙真仙
今綺季。入奏竹宮瞻紫氣。受釐宣室想所陳。不獨碧
鷄金馬異朝家。望董賈賢祝史孟君。今偉器。明年
艷。動北方。館閣風生驚一世。固之啟賀。庶行臺為
國得賢真宰惠事。

題韓幹畫馬圖

韓御史君美所藏索賦

火輪凝空汗如洗。老坐烏臺簿書裏。韓君忽出天馬
圖。瀟颯朔風生駿尾。吁嗟此馬來西極。細看一骨干

金直當時開元監牧盛赤岸千群雲錦織奚官袍帶
蒼髯戟碧眼深歲九方識豈其此骨獨當御轉盼君
恩仗前立幾年扈從東封還霜蹄蹴踏長楸間驪山
武事厭不講剪刷日應供帝閑鸞旗百里臨潼道華
清宮殿春風早黃金羈勒玉華駿遊幸君為玉環老
幹時供奉屬車塵思入星精奪天巧興來承詔貌真
龍冀北驊駟歸一掃古人畫馬需神品骨相權奇氣
潔穩將軍曹霸幹所師萬古丹青少陵引韓公得法
固入室千丈光輝誰所準自經題品雪堂仙韋假龍
眠徒滾、嗟子何者牛馬走開卷賦詩還自哂韓卿
朝騎御史駉暮擊凡禽健秋集更煩牢鎖玉麒麟隄
備雷風韞秘本

梁秀才惠棖 梁時在制中

君家堂前棖兩林汝父當年手親植洞庭波兮霜滿
林摘惠晴窓慰幽寂夜堂張燈動春酌脫帽驚呼夢
疇昔摩槎兩手三日香感舊懷人淚霑臆一雙照耀
黃金苞露香冷落銀觥杔呼兒走問鄰瑤酒早晚瓊
珠滴小槽

三勒漿歌 有序

唐代宗大曆間幸太學以三勒漿賜諸生
此後不復聞於世今光祿許公復以菴摩
訶毗黎三者釀而成漿其光色暉如蒲
萄桂醕味則溫馨甘滑渾涵妙理及薦御
天顏喜甚謂非餘品可及遂時供內府不

肖以霑瀝之餘發為歌詩予以見
國朝德被四表方物畢至之盛許公愛
君之心以湯液醪醴躋
聖壽於無疆之休也

金天一氣何奇特異品珍材表馨德翠籠萬里入貢
來赤佛堂西漢家邑異哉三勒見圖經祗解有靈能
愈疾豈知用外箴妙理瓊醴蔗漿非所啟誰傳釀法
自太古滿甕春雲元化濕就中至味真玄酒豁達靈
根三益友許公得法神所傳一醞天成漢重耐儀狄
拊掌者伯驚五百年來未之有芹香背灸固區區推
以愛君忠且厚彤芝蓋影擁紅雲湯網初收在靈囿
月華冷落露盤冰三嚙芳溫挹天斗金壺激艷久承

案不能餐我輩何功食天祿

秋澗先生大全文集卷第六



蘇聯去主大全

陸本十四頁以下闕此本尾頁當是驅蝗行篇末語
尚脫去第十五頁也嘉慶甲戌三月十七日雨中校完此
卷晚間居士記



